

中央國醫館  
醫藥叢刊之一  
藥物圖考卷四

編審委員楊華亭撰述  
編審委員周柳亭校訂

黃耆

本草經

黃耆味甘微溫主癰疽久敗瘡排膿止痛大風癩疾五痔鼠瘻補虛小兒百病一名戴椹

名醫別錄

無毒婦人子藏風邪氣逐五臟間惡血補丈夫虛損五勞羸瘦止渴腹痛洩痢益氣利陰氣生白

水調四川松  
潘縣東境

者冷補其（莖葉）瘵渴及筋癱癰腫疔瘡一名戴椹一名獨椹一名芟草一名蜀脂一名百本

生蜀郡山谷白水漢中二月十月採陰乾

陶弘景

第一出隴西洮陽在甘肅臨  
潭縣西南色黃白甜美今亦難得次用黑水宕昌在甘肅  
岷縣南者色白肌理粗新者亦甘溫

補又有蘆陵白水者色理勝蜀中者而冷補又有赤色者可作膏貼用消癰腫俗方多用道家不須

唐本草

此物業似羊齒或如蒺藜獨莖或作叢生今出原州今甘肅  
鎮原縣及華原今陝西  
耀縣者最良蜀漢不復採用之

圖經本草

黃耆生蜀郡山谷白水漢中今河東陝西州郡多有之根長二三尺已來獨莖或叢生枝幹去地

二三寸其葉扶疎作羊齒狀又如蒺藜苗七月中開黃紫花其實作莢子長寸許八月中採根用其皮折之

如綿謂之綿黃者然有數種有白水者有赤水者有木者功用並同而力不及白水者木者短而理橫今人多以苜蓿根假作黃耆折皮亦似綿頗能亂真但苜蓿根堅而脆黃耆至柔韌皮微黃褐色肉中白色此爲異耳（下畧）

**重廣補注神農本草**

黃耆本出綿上者爲良故名綿黃耆非謂其柔韌如綿也今圖經所繪涇州者地與

綿上相隣也

**華亭述言**

【產地】 產於甘肅四川陝西等處

【形態】 豆科黃耆屬多年生草本葉互生羽狀複葉每小葉長橢圓形秋日由葉腋抽出花莖開唇形花冠色黃

紫結實成莢長寸許其根長約二三尺徑約半寸外皮微黃內白心黃體柔軟

【主治】 入藥用根無毒無臭味甘平和氣血虛勞怯症失血虛脫漏汗鼠瘻痔瘡逐惡血消癰疽排膿止痛

【考證】 凡身無疾苦惟體虛易汗出者係氣排滯過度所致以黃耆服之可阻其過於排滯之弊所謂和氣固表之功也故於氣虛貧血者爲常用之藥本經主「癰疽久敗排膿止痛」蓋黃耆爲瘍科聖藥於瘡之初程紅腫而血液與肌肉未化膿時有阻炎止痛消腫之功如已化膿有速於攻破推陳致新之力若至末期有

免腐生肌之功在失血虛脫與瘍科均宜足分劑本經主「大風癩疾」即今之麻風此患頗難治愈而於主治之藥亦寥寥無幾本草補遺於大楓子條云「粗工治大風病佐以大楓子油」今西醫提淨其油以作注射麻風之用雖見其功然不能為特效良藥本經黃耆是否有效未曾試驗然於他類瘡瘍實為良藥藥徵云黃耆主「肌表之水故能治黃汗盜汗皮水又勞治身體腫」金匱用黃耆約七方傷寒論中無之而王好古云「治傷寒尺脈不至」究傷寒尺脈不至不知病論現於何經以致尺脈不至而黃耆能醫之耶蓋金元之醫學多不究藥性好作玄虛圖經云「今人以首霜根假作黃耆」考首霜係二年生草其葉為三小葉構成根細長一二尺微如黃耆根其質瘦而堅味苦黃耆體柔軟味甘為異

### 【修治】

採於秋末洗去泥土切厚片陰乾收藏勿洩氣此藥易蛀李時珍云「槌扁以蜜炙數次以熟為度亦有以鹽湯潤透蒸熟切用者」由斯則備要即云「入補中藥槌扁密炙達表生用」從新又云「入補中藥槌扁



密炙如欲其稍降鹽水炒一試間以密炙之即可改黃耆性之不行於表耶以鹽水炒之即能制其不升而降耶若如此則患虛症者須服蜜炙升症者須服鹽水國醫藥學如前人妄語而後學不究即能隨聲附會良可慨矣

【分劑】煎服一至二兩

## 黃芩

本草經

黃芩味苦平主諸熱黃疸腸澼洩痢逐水下血閉惡瘡疽蝕火瘍一名腐腸

名醫別錄

大寒無毒療痰熱胃中熱小腹絞痛消穀利小腸女子血閉淋露下血小兒腹痛一名空腸一名

內虛一名黃文一名經芩一名妒婦其子主腸澼膿血生穉歸今湖北川谷及兔句三月三日採根陰乾

陶弘景

穉歸屬建平郡今第一出彭城鬱州亦有之圓者名子芩爲勝破者名宿芩其腹中皆爛故名腐腸惟

取深色堅實者爲好俗方多用道家不須

圖經本草

黃芩生穉歸山谷及兔句今川蜀河東陝西近郡皆有之苗長尺餘莖幹處如筍葉從地四面作

叢生類紫草高一尺許亦有獨莖者葉細長青色兩兩相對六月開紫花根黃如知母蘊細長四五寸二月

八月採根暴乾用之（下畧）

### 化學實驗新本草

（日本學說）黃芩漢醫頗珍重之稱爲有清涼解熱利尿之効豬子氏因漢醫珍重黃芩苦於不明其理由高橋學士發見一種結晶性物質附以（スクテリン）之名稱然於治療上無特殊之作用黃芩果爲有效與否暫時尙爲一疑問而已（中畧）和漢藥考用爲清涼解熱藥用量二、〇至六、〇

### 華亭述言

【產地】 產於山東河南等處

【形態】 唇形科黃芩屬多年生草本莖高尺許葉對生披針形無柄秋初枝端開唇形花冠色粉紫二強雄蕊雌蕊一枚總狀花序結實呈蓋果上殼如僧帽下殼如瓢秋末僧帽脫去惟瓢僅留枝上內含種子一至四粒色藍黑小如粟米之半其根長尺許徑數分外皮棕黑內黃

【主治】 入藥用根無毒無臭味苦平主熱病肺炎痰盛臃黃清胃熱消食肝癰血燥黃疽腸澀調經閉產後血燥惡瘡火瘍紅腫

【考證】 陶氏以質堅未枯者名子芩綱目名條芩陶氏云破者名宿芩以內爛者名腐腸別錄名空腸李東垣名

片苓備要與從新名枯苓考黃苓破裂處皆在首段由破裂而內爛者多在中段其內未枯者多在中末二段蓋陶氏所名之子苓宿苓屬腸係一根有枯實之別非一株空者純空而實者純實也李東垣以片苓治肺火以條苓治大腸火備要與從新皆從其實無聊之甚者也此藥總主清熱本經與別錄皆未嘗以枯實分別主治也若受邪熱於枝氣管炎致津液缺乏生膿黃之痰於方內重用黃苓半至一兩取效甚速故別錄首言「療痰熱」李時珍云「子年二十時因感冒欬嗽既久且犯戒途病骨蒸發熱腐如火燎每日吐痰盈許暑月煩渴寢食幾廢六脈浮洪逼服紫胡麥門冬荆瀝諸藥月餘益劇皆以爲必死矣先君以黃苓一兩水二鐘煎一鐘頓服次日身熱盡退而痰皆愈」其說甚是東醫豬子氏云「漢醫珍重黃苓苦於不明其理由」考東醫所用分劑二至六瓦係五分二釐至一錢五分六釐如此微劑欲解極熱之症實如杯水車薪耳此藥無毒不妨重用黃苓治肝癆（肝變硬）頗效宜與硝砂鮮蒲公英大黃丹砂牛黃苦參等藥酌用此症初程肝之包膜下或見癍斑門靜脈盈血則肝脈受壓結締組織增多其體消瘦故變硬此病多顯黃疸症本經黃苓主黃疸逐水下血閉故與肝變硬症用之有效此症初顯消化不良嘔血面皮微黃形容枯瘦目凹含淚鼻頰處之小靜脈顯擴張尿常少酸鹽多至重即患大腦症或驚呼或昏迷或譫語此症嗜酒者患之頗多治之宜早金匱用黃苓約十四方傷寒論約十五方

【修治】

採於春秋於鮮時洗去泥土於破裂處及中部枯朽處

以刀刮淨切厚片陰乾收藏勿洩氣若以乾質浸水中即

變綠色故藥市皆入鍋煮之若煮時久亦變黑綠色張元

素云酒炒上行李時珍亦從其說并云以豬胆汁炒可瀉

肝胆火本草從新亦收入之余皆生用取效甚速

【分劑】

一錢至一兩

玉竹

本經名女萎爾雅名萎萎別錄名萎蕤

本草經

女萎味甘平主中風暴熱不能動搖跌筋結肉諸不足久服去面黑野好顏色潤澤輕身不老

爾雅

萎萎註藥草也葉似竹大者如箭竿有節葉狹而長表白裏青根大如指長一二尺可啜

名醫別錄

萎蕤無毒主心腹結氣虛熱濕毒腰痛驚中寒及目痛管爛淚出一名萎一名地節一名玉竹一



名馬廩生太山谷及邱陵立春後探陰乾

**陶弘景**

按本經有女萎無萎蕤別錄無女萎有萎蕤而爲用正同疑女萎卽萎蕤也惟名異爾今處處有其根似黃精而小異服食家亦用之今市人別用一種物根形狀如<sub>1</sub>斷莖味不苦乃言是女青根出荊州今療下痢方多用女萎而北都有止洩之說疑必非也萎蕤又主理諸石人服石不調和者煮汁飲

**圖經本草**

萎蕤生太山谷邱陵今滁州舒州及遠中皆有之葉狹而長表白裏青亦類黃精莖強直似竹筍蕤有節根黃多鬚大如指長一二尺或云可噉三月開青花結圓實立春後探根陰乾用之本經與女萎同條云是一物二名又云自是二物苗蔓與功用全別爾雅謂萎蕤郭璞註云藥草也亦無女萎之別名疑別是一物且本經中品又別有女萎條蘇恭云卽此女萎今本經朱書是女萎功效墨書是萎蕤之功觀古方書所用則似差別（下畧）

**本草綱目**

本經女萎乃爾雅萎蕤二字卽別錄萎蕤也上古鈔寫訛爲女萎爾古方治傷寒風虛用女萎者卽萎蕤也皆承本草之訛而稱之諸家不察因中品有女萎名字相同遂致費辨如此今正其誤只依別錄書萎蕤爲綱以便尋檢其治洩痢女萎乃蔓草也

華亭述言



【產地】 中國各地皆產

【形態】 百合科黃精屬多年生草本獨莖無稀高數寸至尺許萌芽時形如竹筍微扁可作茹食色綠白或微顯

褐色高至二寸餘外繹分裂其葉放出輪生無柄全緣並行脈由三至七小葉構成其花與葉同出由葉腋中心抽出細線之花莖長約一寸莖端分歧一至五花其花下垂如筒狀色粉綠頂端六裂雄蕊六枚花冠著生雌蕊一枚其花與葉之多少皆逐年數增加結實圓形爲漿果味甘畧辛大如桐子生青熟黑綠其葉與黃精畧異形如竹葉而厚其葉尖下捲葉表深綠背生白粉蠟質其根爲根莖色黃白粗如拇指長數寸至尺許亦有互生卵圓或橢圓葉者全緣並行脈由葉腋並生二花狀如輪生花莖三稜

【主治】 入藥用根無毒無臭味甘主理氣血堅筋骨潤皮膚去而黑日痛皆爛爲久服補虛之品非急治滅毒之

藥也常服以熬膏力大蓋丸散須焙乾爲末其質已耗故服之力減

【考證】 此藥本經名女萎卽萎與爾雅同名蓋女字卽萎字之誤寫也李當之本草有女萎爲蔓生植物（見

後圖）非玉竹爲輪生或互生之本立莖也綱目依別錄名萎蕤爲綱近世醫方多書玉竹亦別錄之又名故本書從之陶氏云「今市人別用一種物根形狀如續斷莖味不苦乃言是女青根出荊州今療下痢方多用女萎而北都有止洩之說疑必非也」此係李當之所言之女萎「主止下痢消食」唐本草主「洩

痢腸鳴「非本草經誤書女萎之主治也圖經云「葉狹而長表白裏青」按此藥葉類竹葉故一名玉竹非狹而長云表白裏青者當是表青裏白雷斅云「凡便勿用黃精並鈎吻二物相似」黃精葉類玉竹惟畧狹長而尖根粗如蠶爲異鈎吻係蔓生葉如葛葉故一名野葛雷氏未睹鈎吻竟以黃精葉尖下捲者爲鈎吻（說見下黃精與鈎吻二條）不知玉竹葉尖亦下捲也新本草綱目委蕤條云「春月抽莖粗大有三稜葉互生作淡綠色長橢圓形」玉竹有輪生互生二種入藥以輪生者爲上品互生者其莖三稜葉橢圓與輪生葉者迥異惟花與根相同（見後圖）余以此藥熬膏每日服二次至月餘有時尿道奇癢與樟腦之微激尿道作癢相似別錄主「壅中寒」卽此意而服者不可因受一時之奇癢卽生性交之心也

【修治】

採於春日苗芽時及秋日莖葉將枯時洗去泥土暴乾收藏

【分劑】

煎服一至二兩

【玉竹膏】

春日萌芽採之搗碎入鍋熬爛過布淋酌加黃

酒熬至成膏爲度若無鮮質乾者亦可倘不加黃酒

卽不易久存分劑二至三錢



輪生玉竹

# 黃精

## 名醫別錄

黃精味甘平無毒主補中益氣除風濕安五臟久服輕身延年不飢一名重樓一名菟竹一名雞  
格一名救窮一名鹿竹生山谷二月採根陰乾

## 陶弘景

今處處有二月始生一枝多葉葉狀如竹而短根似萎蕤根如荻根及菖蒲概節而平直黃精根  
如鬼臼黃連大節而不平雖燥並柔軟有脂俗方無用此而為仙經所貴根葉華實皆可餌服酒散隨宜具



在斷穀方中黃精藥乃與鈎吻相似惟莖不紫花不黃爲異而人多惑之其類乃殊遠致死生之反亦爲奇事

唐本草

黃精肥地生者卽大如拳薄地生者猶如拇指萎蕤肥根頗類其小者肌理形色大都相似今以黃連

本草拾遺

鬼臼爲比殊無彷彿黃精葉似柳及龍胆徐長卿輩而堅其鈎吻蔓生殊非比類廣雅黃精龍御也  
黃精葉偏生不對者名偏精功用不如正精正精葉對生鈎吻乃野葛之別名二物殊不相似不知陶公憑何說此

蜀本草圖經

鈎吻一名野葛陶說葉似黃精者當是蘇說葉似柿者當別是一物

圖經本草

黃精舊不載所出州土但云生山谷今南北皆有之以嵩山茅山者爲佳三月生苗高二三尺以  
來葉竹葉而短兩相對莖梗柔脆頗似桃枝本黃末赤四月開細青白花如小豆花狀子白如黍亦有無  
子者根如嫩生薑黃色二月採根蒸過暴乾用今通八月采山中人九蒸九暴作果實黃黑色而甚甘美其  
苗初生時人多采爲菜茹謂之筆菜味極美江南人說黃精苗葉稍類鈎吻但鈎吻葉頭極尖而根細而蘇  
恭言鈎吻蔓生恐南北所產之異耳（下畧）

華亭述言

【產地】 中國南北皆產

【形態】 百合科黃精屬多年生草本獨莖無極高二三尺萌芽如竹筍色黃白採取可食俗名筆菜高至二寸餘

外籜分裂其葉與花同時放出輪生無柄由三至七小葉構成全緣並行脈葉表無光澤微如竹葉尖瘦而長葉尖下捲成圈亦有半捲成鈎狀者其花由葉腋中心抽出花莖細長約寸莖端分岐一至五花其花下乘如筒狀色粉綠頂端六裂雄蕊六枚花冠着生雌蕊一枚花與葉之多少皆逐年代增加結實如桐子生青熟黑綠爲漿果中含圓核色白其根爲根莖形畧似玉竹而粗短如薑

【主治】 入藥用根無毒無臭味甘其性與玉竹同子實味甘後辛

【考證】 黃精始於別錄玉竹始於本經二藥性味與輪生之形態相似係同屬之變種也雷斅云「凡使勿用鈎

吻真似黃精只是葉有毛鈎子二箇是則認處誤服害人黃精葉似竹葉」陶弘景云「黃精乃與鈎吻相似惟莖不紫花不黃爲異」雷斅於鈎吻未睹竟臆度鈎吻有鈎陶氏不察亦附而演之由斯後世則以黃精葉尖下捲者爲鈎吻不知玉竹葉尖亦下捲也至唐蘇恭與陳藏器皆非其說蓋歷代本草辨物精審當以蘇陳二氏爲最韓保昇未見鈎吻而以陶說爲是吳其濬亦從雷陶二說（說見鈎吻條）予蒔養之玉竹與黃精葉尖皆下捲會屢服之未嘗中毒陶弘景云「一枝多葉」陳氏云「正精葉對生」皆爲輪生

葉入藥有功陳氏云「偏生不對者名偏精功用不如正精」按玉竹之互生葉者余曾蒔養之惟黃精之互生葉者尙未目睹圖經云「鈎吻葉頭極尖而根細」此亦未見其形態妄爲欺人之語黃精入煎劑服者甚少因其非刺激性之救急抗毒藥若熬膏常服以爲補虛之用甚良

【修治】 採與修治均與玉竹同

【分劑】 與玉竹同

【黃精膏】 製法與分劑均與玉竹同



# 鈎吻

又名野葛又名胡蔓草又名斷腸草

## 本草經

鈎吻味辛溫主金瘡孔瘡中惡風欬逆上氣水腫殺鬼瘞毒一名野葛

## 名醫別錄

有大毒破癥積除脚膝痺痛四肢拘攣惡瘡疥蟲殺烏獸折之青烟出者名罔活甚熱不入湯生

傳高山谷及會稽

屬浙江紹興縣東野

## 陶弘景

五符中亦云鈎吻是野葛言其入口則鈎人喉吻或言吻作挽字牽挽人腸而絕之要事而言乃是兩

物野葛根狀如牡丹所生處亦有毒飛鳥不得集之今人用合營服之無嫌鈎吻別是一草葉似黃精而莖紫當心抽花黃色初生極類黃精故以為殺生之對也或云鈎吻是毛茛此本及後說參錯不同未詳定云何

## 唐本草

野葛生桂州以南村墟間巷間皆有彼人通名鈎吻亦謂苗名鈎吻根名野葛蔓生人或誤食其葉者皆致死而羊食其苗大肥物有相伏如此若巴豆鼠食則肥也陶云飛鳥不得集之妄矣其野葛以時新採者皮白骨黃宿根似地骨嫩根如漢防已皮節斷者良正與白花藤根相類不深別者頗亦惑之其新取者折之無塵氣經年已後則有塵起根骨似枸杞有細孔者人折之則塵氣從孔中出經言折之青烟起者名

固活爲良此亦不達之言也且黃精直生如龍膽澤漆兩葉或四五葉相對鈎吻蔓生葉如柿葉博物志云鈎吻葉似鳧葵並非黃精之類毛茛是有毛石龍芮何干鈎吻

補筆談

鈎吻本草一名野葛主療甚多註釋者多端或云可入藥用或云有大毒食之殺人予嘗到閩中士人以野葛毒人及自殺或誤食者俱半葉許入口卽死以流水服之毒尤速往往投杯已卒矣經官司勘鞠者極多灼然如此子嘗令人剉取一株觀之其草蔓生如葛其藤色赤節粗似鶴膝葉圓有尖如杏葉而光厚似柿葉三葉爲一枝如綠豆之類葉生節間皆相對花黃細戢戢然一如尚香花生於節葉之間西陽雜俎言花似梔子稍大謬說也根皮亦赤閩人呼爲吻莽亦謂之野葛嶺南人謂之胡蔓俗謂斷腸草此草人間最毒之物不入藥用恐本草所出別是一物非此鈎吻也予見千金外台藥方中時有用野葛者特宜仔細不可取其名而誤用正如鱖鱓魚與鮓魚同謂之河魨不可不審也

植物名實圖考

鈎吻本經下品相承以爲卽治葛今之斷腸草也詢之閩廣人云有大小二種大者如夜來香葉蔓生植立近人輒動攪爛置豬腸中上下奔竄必破腸而出小葉者如馬蘭性尤烈（中畧）

（溘鈎吻）太陽之草曰黃精太陰之草曰鈎吻博物志云鈎吻盧氏曰陰地黃精不相連根苗獨生者是也陶隱居云葉似黃精而莖紫當心抽花黃色初生極類黃精雷斅曰使黃精勿用鈎吻眞相似只是葉有



毛鈎子二個黃精葉如竹葉蘇頌曰江南說黃精莖苗稍類鈎吻自古言鈎吻黃精相似瞭然如此無有指爲斷腸草者本經一名治葛治葛後人以爲斷腸草毒草斷腸品非一種南方草木狀治葛一名胡蔓草不言卽鈎吻自蘇恭始以苗爲鈎吻根爲野葛深斥陶說之非謂其葉如柿如梔萎則卽今嶺南之大葉斷腸草矣其云黃精葉似柳及龍胆草乃玉竹也古人於黃精玉竹不甚分別雷說葉如竹則今黃精也沈存中藥議亦以鈎吻爲卽斷腸草然又云斷腸草人間至毒之物不入藥用恐本草所出別是一物非此鈎吻則存中未敢以鈎吻黃精相似之說確然斷爲誤也本草綱目臚引斷腸草以實鈎吻大抵皆集衆說非惟未見鈎吻蓋亦未見斷腸草憑臆訂訛遂以草之至毒者惟嶺南胡蔓一物矣考吳普本草鈎吻或出益州碧鷄金馬開元後已淪南詔蘇恭諸人不識益州之鈎吻固宜醫家於毒草不會試用展轉致舛亦無足怪惟鈎吻既似黃精采鈎吻而得黃精不能爲害誠妙采黃精而誤得鈎吻所關豈淺鮮哉余至滇道人入山採藥得似黃精玉竹者二草其標識則曰鈎吻漢鈎吻鈎吻葉如竹與黃精同而矮小葉生一面花實生一面葉擲皆活殆卽雷駁所謂地精俗云偏精其偏者不止葉不相當而已漢鈎吻似玉竹葉如柳如龍胆草而葉端皆反鈎四面層層舒葉開花有黃白者亦有紅者蓋陶說所謂常心開花而雷說所謂毛鈎也滇之山岷蠻蠻者豈能杜撰此名蓋相承指呼久矣余審是再三而知太陽太陰之說傳於上古不可妄改後人

少見反肆雌黃而未及料其貽害無窮也禮失求野其言猶信乃召士醫而詢之云黃精鈎吻山中皆產採者須辨別之其葉鈎者有大毒然則鈎之得名非以其葉如鈎耶偏精有毒稍輕形偏則性亦偏矣(下畧)

華亭述言

【產地】

產於兩廣等處

【形態】

漆樹科鈎吻屬落葉蔓生灌木莖部旁生氣根爲攀緣蕨葉互生三出複葉每小葉卵圓形狀類葛葉網脈全緣葉柄亦長至秋葉呈紅色初夏由葉腋開小花色黃綠花冠五片雄蕊五枚雌蕊一枚果實有毛茸其根色黃白乾質折之出塵

【主治】

入藥用根有大毒味苦辛主安撫神經癱瘓拘攣痛風痺症效速四肢疼痛

【考證】

此藥性如素馨爲安撫神經風拘攣之良藥用時審其分劑取效甚速惜後世不考其功用只畏其毒以致清之崇原求真備要原始從新皆未收入夫本經收入之毒藥正爲以毒滅毒非以毒人也補筆談云「此草人間最毒之物不入藥用恐本草所出別是一物非此鈎吻也余見千金外台藥方中時有用野葛者特宜仔細不可取其名而誤用」蓋沈存中不明毒藥療病之功竟以本經鈎吻謂別是一物尤以千金外台所用野葛疑之蓋自唐以上用藥尙存古義至宋而後於殺毒滅菌之良藥多棄而不用而以無毒之

藥當之欲其去沈疴不亦難乎鈎吻本爲毒劑如服毒分劑即能縮其喉吻癱其呼吸而死卽五符中所言其入口則鈎人咬吻也本經鈎吻一名野葛因葉類葛葉故名之劉宋有雷敷好作妄語顛倒是非竟謂鈎吻生鈎而鈎吻本無鈎故以黃精葉尖下垂者爲鈎吻之鈎也陶氏不考又從而述之雖經蘇陳二氏核辨其謬信從之清吳其濟以雷陶之說爲證以爲眞產葉尖下垂之黃精與鈎吻形態相似安知他產之黃精亦如此也鈎吻則非然也誤信士醫之言以此訂誤反以自誤矣並云鈎吻近人輒動尤妄之甚矣本經鈎吻云味辛而鈎之黃精味不辛也別錄云折之青烟

出而如鈎之黃精亦無青烟出也辨之亦易耳千金命牙散大宜牙散細骨圓江南度世圓大度世圓太乙備急散均用野葛云中野葛毒用鷄子一枚吞之其毒卽吐出若口瘡取青竹去兩節置臍上內注冷水暖卽易之立活忌酒數易水金匱卷末禁忌篇云「鈎吻與芹菜相似誤食殺人」但此又另爲一種卽東醫稽子氏所云之芹葉鈎吻也係本立之草生於溼地及淺水中



(見後圖) 植物辭典有名木木黃精葉鈎吻者爲落葉灌木係日本名今亦繪圖於後以備參考

【分劑】

煎服半至二分



桔梗

本草經

桔梗味辛微溫主胸脅痛如刀刺腹滿腸鳴幽幽驚恐悸氣

**名醫別錄**

善有小毒利五臟腸胃補血氣除寒熱風痺溫中消穀療喉咽痛下蠱毒一名利如一名房圖一名白藥一名梗草一名薺莖生蒿高山谷及冤句二月八月採根暴乾

**陶弘景**

近道處處有葉名隱忍二三月生可煮食之桔梗療蠱毒甚驗俗方用此乃名薺莖今別有薺草能解藥毒所謂亂人參者便是非此桔梗而葉甚相似但薺莖葉下光明滑澤無毛爲異葉生又不如人參相對

者爾

**唐本草**

人參苗似五加闊短莖圓有三四椹極頭有五葉陶引薺莖亂人參謬矣且薺莖桔梗又有葉差互者亦有葉三四對者皆一莖直上葉旣相亂惟以根有心爲別爾

**圖經本草**

桔梗生嵩高山谷及冤句今在處有之根如小指大黃白色春生苗莖高尺餘葉似杏葉而長橢四葉相對而生嫩時亦可煮食之夏開花紫碧色頗似牽牛子花秋後結子八月採根細剉暴乾用葉名隱忍其根有心無心者乃薺莖也而薺莖亦能解毒二物頗相亂但薺莖葉下光滑澤無毛爲異（下畧）

**華亭述言**

**【產地】**

中國各地皆產

**【形態】**

桔梗科桔梗屬多年生草本莖高一二尺葉互生卵圓形葉緣鋸齒葉表無光澤葉背微生細毛而盛夏

日莖端開鐘狀花頂端五裂雄蕊五枚先熟雌蕊一枚柱頭五裂色青碧結實爲蒴果熟時頂端有五裂小孔內含種子數十粒色黑其根鮮時劑之出乳汁外皮灰黑內白心黃長數寸至尺許徑半至一寸

【主治】

入藥用根無毒無臭味苦平主除熱清肺開痰咽喉腫痛胸脅刺痛腹脹腸鳴驚悸

【考證】

別錄以桔梗又名薺草實誤矣蓋薺草與桔梗非一物也陶氏以桔梗葉名隱忍當係指薺草蓋桔梗葉末至霜降即枯而薺草正於斯時盛花其葉至冬常存故名隱忍如忍冬藤之意蘇恭云桔梗有三四葉相對者因中部密生之葉往往有對生或如輪生之狀其莖直葉多抱莖而生無光澤薺草之莖常拖地下葉表有光澤而長多有下反之葉其根粗大無心味甜易於分別張元素以桔梗爲舟楫云「譬如鐵石入江非舟楫不載所以諸藥有此一味不能下沈也」觀本經與別錄之主治非專司於上焦若如張氏言觀諸藥不能下沈然則留於上部何處是不能入於臟腑經絡運行於週身耶至清儒要從新求真皆從其說本草崇原桔梗條集說云「按桔梗治少陽之脅痛上焦之胸痺中焦之腸鳴下焦之腹滿是桔梗爲氣分之藥上中下皆可治也張元素不參經義謂桔梗乃舟楫之藥能載諸藥而不沈今人熱念在口終身不忘夫以元素杜撰之言爲是則本經幾可廢矣」傷寒論用桔梗約六方金匱用二方

【修治】

採於春秋洗去泥土切厚片晒乾收藏

【分劑】 煎服一至五錢



# 赤箭

又名天麻

本草經

赤箭味辛溫主殺鬼精物蠱毒惡氣久服益氣力長陰肥健輕身增年一名離母一名鬼督郵

藥物圖考卷四



名醫別錄

主消瘴腫下支滿寒疝下血生陳倉在陝西寶雞縣山谷雍州及太山少室三月四月八月採根暴乾

陶弘景

陳倉獨雍州扶風郡按此草亦是芝類其莖赤如箭蘗葉生其端根如人足又云如芋有十二子爲衛

有風不動無風自搖如此亦非俗所見而徐長卿亦名鬼督郵又復有鬼箭莖有羽其主療並相似而益大  
乖異恐非此赤箭

圖經本草

赤箭生陳倉川谷雍州及泰山少室今江湖間亦有之然不中藥用其苗獨莖如箭蘗葉生其端

四月開花幹葉俱赤實似枯苦楝子核作五六稜中有肉如麵日暴則枯萎其根大類天門冬惟無心脈耳  
去根五六寸有十餘子爲衛似芋三月四月八月採根暴乾今三月四日採苗七月八月九月採根

夢溪筆談

赤箭卽今之天麻也後人既誤出天麻一條遂指赤箭別爲一物既無此物不得已又取天麻苗  
爲之茲爲不然本草明稱採根陰乾安得以苗爲之草藥上品除五芝之外亦箭爲第一此神仙補理養生  
上藥世人盛於天麻之說遂止用之治風良可惜哉以謂其莖如箭既言赤箭疑常用莖此尤不然至如鳶  
尾牛膝之類皆謂莖葉有所似則用根耳何足疑哉

附宋開寶天麻

開寶本草

天麻味辛平無毒主諸風濕痺四肢拘攣小兒風癩驚氣利腰膝強筋力久服益氣輕身長年生



鄆州屬山利州泰山嶗山皆屬山東諸山五月採根暴乾註葉如芍藥而小當中抽一莖直上如箭薜端結實狀若

續隨子至葉枯時子黃熟其根連一二十枚猶如天門冬之類形如黃瓜亦如蘆葦大小不定彼人多生噉或蒸食之今多用鄆州者佳

### 圖經本草

天麻生鄆州利州泰山嶗山諸山今京東京西湖南淮南州郡亦有之春生苗初出若芍藥抽一

莖直上高二三尺如箭薜狀青赤色故名亦箭芝莖中空依半以上結莖微有尖小葉稍顯生成穗開花結子如豆粒大其子至夏不落卻透虛入莖中潛生土內其根形如黃瓜連生一二十枚大者有重半斤或五六兩其皮黃白色名白龍皮肉名天麻二月三月五月八月內採初取得乘潤刮去皮沸湯畧煮過暴乾收之嵩山衡山人或取生者蜜煎作果食之甚珍

### 醫學大辭典

山草類本經上品（形態）初生一莖直上高三四尺中空狀似箭薜色青赤葉尖小初夏開淡紫花成穗實如豆大至夏不落由莖中潛入土內俗名還筒子根如黃瓜連生一二十枚環繞四周

### 植物大辭典

關科亦箭屬寄生植物初夏出一莖生長極速高至四五尺圓柱形淡黃赤色莖有節每節有小薄皮色黑初出時此皮相抱如筍狀莖長至二尺時稍上開穗狀花作黃赤色至秋苗根俱枯根為長塊而橫行長六七寸徑寸許

華亭地黃

【產地】產於陝西山東處等

【主治】入藥用根無毒無臭味淡主下瘀血支滿寒疝惡氣痺症拘攣利腰膝消癰腫

【考證】本經亦謂係用根其根離母故一名離母別錄云採根暴乾即宋開寶所謂之天麻也本草崇原以本經

亦謂係用莖實誤夢溪筆談言之甚詳陶氏云是芝類與植物辭典及新本草綱目爲寄生植物相同惟醫學大辭典謂山草類究未知孰是予僅見藥市所售之乾質（見後圖）形如塊根長短不等約一至三寸徑約半至一寸外白內黃質堅脆斷之光明陶氏云「有風不動無風自搖」由斯後世專爲治風要藥如宋開寶特出之天麻條主諸風小兒風痲痺備要與從所云「血液衰少及類中風者忌用」本草求真亦云「犯類中切不可宜服以其辛燥血耳」醫學大辭典云「若血虛無風火炎頭痛口乾便閉者均忌之」惟本經主「殺蟲積物蠱毒惡氣久服益氣力長陰肥健」別錄主「消癰腫下支滿寒疝下血」統觀本經與別錄之主治是爲殺血中毒素即所謂去瘀生新之理也均未言及治風而後世專爲治風要藥實大誤矣夢溪筆談云「草藥上品除五芝之外亦謂爲第一世人用之治風良可惜也」後世諸書多爲血液衰少爲無風人之禁忌殊不知本經云「久服益氣力長陰肥健」開寶云「彼人多生瘰或蒸食之」

安有益氣長陰或生噉及蒸養之食品而有耗血之患也殊不知其功用在去瘀生新即所謂治風先治血血行風自滅也其力在益氣養血故夢溪筆談爲藥中上品是非如烏頭等爲直接之治風藥也今用數錢或兩許者醫家見之輒爲殺人之劑而不知生噉或養食之豈只兩許是誠不讀古書之過也

【分劑】煎服一錢至一兩

【赤箭膏】亦箭一宗入鍋用水煮爛過布淋入鍋熬至成膏爲度（分劑）半至二錢

## 秦艽

本草經

秦艽味苦平主寒熱邪氣寒濕風痺肢節痛下水利小便

名醫別錄

辛微溫無毒療風無問久新通身癢急生飛鳥山谷二月八月採根暴乾

陶弘景

飛鳥或是地名今出甘松在四川松潘縣西南龍洞蠶咬長大黃白色爲佳根皆作羅紋相交中多銜土用之熟破

除去方家多作秦膠字與獨活療風常用道家不須爾

圖經本草

秦艽牛飛鳥山谷今河陝州軍多有之根土黃色而相交糾長一尺已來盤細不等枝幹高五六

寸葉婆婆連莖梗俱青色如蒿莖葉六月中開花紫色似芍花常月結子每於春秋採根陰乾（下畧）

華亭述言

【產地】 產於四川陝西等處

【形態】 秦艽科秦艽屬多年生草單葉無柄長橢圓夏開紫花狀類葛花其根粗細不等長約尺許作羅紋交糾

狀色黃白

【主治】 入藥用根有小毒味苦別具氣息主痛風拘攣關節疼痛除溼清熱利水黃疸

【考證】 秦艽之名因根有交糾也雷斅分左紋爲秦可療

疾以右紋爲芎若服之卽發脚氣此誠滑稽之尤者

而綱目摘要從新求真原始醫學大辭典俱云左紋

者佳皆係中雷氏之毒也但醫者常用又未嘗考核

左右紋也吾國醫學如有一人囁語則百口相和

此風不知何日息也此藥爲安撫神經之藥於痛風

拘攣痺症關節痛宜與烏頭黃耆當歸白薇等藥并

用若因溼閉以致四肢腰痛宜加通經之劑



【修治】採於春秋洗去泥土解陰乾收藏

【分劑】煎服半至二錢

## 柴胡

### 本草經

此胡味苦平主心腹去腸胃中結氣飲食積聚寒熱邪氣推除致新久服輕身明目益精一名地薰

### 名醫別錄

爲君微寒無毒除傷寒心下煩熱諸痰熱結實胸中邪逆五臟間遊氣大腸停積水脹及濕痺拘

攣亦可作浴湯一名山菜一名茹草（葉）名芸蒿辛香可食生宏農川谷及冤句二月八月採根暴乾

### 陶弘景

今出近道狀如前胡而強博物志云芸蒿葉似邪蒿春秋有白蘗長四五寸香美可食長安及河內並

有之此苳胡療傷寒第一

### 圖經本草

柴胡生宏農山谷及冤句今關陝江湖間近道皆有之以銀州在陝西米脂縣東北者爲勝二月生苗甚香莖

青紫葉似竹葉稍緊亦有似斜蒿亦有似麥門冬而短者七月開黃花生丹州結青子與他處者不類根亦

色似前胡而強蘆頭有赤毛如鼠尾獨窠長者好二月八月採根暴乾（下畧）

### 救荒本草

柴胡今鈞州密縣屬河南開封道山谷間有之苗甚辛香莖青紫堅硬微有細線楞葉似竹葉而小開小

黃花根淡赤色（下畧）

**本草綱目**

銀州即今延安府屬陝西神木縣五原城是其廢蹟所產柴胡長尺餘而微白且軟不易得也北地

所產者亦如前胡而軟今人謂之北柴胡是也入藥亦良南土所產者不似前胡正如蒿根強硬不堪使用其南有韭葉竹葉者以竹葉者爲勝其如邪蒿者最下也（下畧）

**華亭述言**

**【產地】** 產於陝西山東河南等處

**【形態】** 繖形科柴胡屬多年生草本莖高二三尺葉互生披針形無柄葉表光滑全緣並行脈莖圓細色青紫有

縱紋質堅韌夏末由莖端攢簇分枝形如傘柱每一柱分生數小花花冠五瓣向後彎曲色黃複繖花序根長數寸至尺許徑約一至三分外皮色褐內黃白質堅韌

**【主治】** 入藥用根有小毒味苦主寒熱往來胸脅氣痛耳聾腸胃結氣心煩嘔吐痰氣結胸脅下痞鞭飲食積聚

溼痺拘攣開鬱調經瘧疾

**【考證】** 柴胡只有二種皆爲披針葉惟葉分寬窄長短（一）寬葉者徑約四分長二寸許俗名大葉柴胡即蘇

頤云「似麥門冬而短者」（一）窄葉者徑約二分長約二寸俗名小葉柴胡即救荒云「莖青紫堅硬

有細線標葉似竹葉而小。陶氏云狀如前胡者非是。查前胡爲羽狀複葉與此大異。圖考所繪廣信柴胡葉卵圓形建昌柴胡葉線鋸齒此二種俱非柴胡。李時珍以柴胡分南北言北產者如前胡蓋不知柴胡皆爲披針葉尤以小葉者爲佳。前胡與柴胡實非同類。後世以銀州產者爲上品此由雷斅云銀州產者有白鶴翔於空際用銀刀削去赤薄皮少許云云。而李時珍又以銀州產者微白且軟不知柴胡根外皮皆赤色不能以產自銀州卽化赤爲白也。唐蘇恭云「葑是古柴字且此草根紫色今太常用葑胡是也」又以木代系相承呼爲柴胡。金匱用柴胡約三方傷寒論約七方小柴胡湯爲少陽經之主方如寒熱往來胸脅苦滿嘔噦不欲飲食心煩喜嘔脅下痞鞭等皆爲柴胡主治之症。傷寒論云「傷寒中風有柴證但見一證便是不必悉具」。後世以柴胡爲升提藥如李東垣曰「能引清氣而行陽道又能引胃氣上行」。王好古汪訥菴吳儀洛俱附而演之。傷寒今釋云「市醫以柴胡爲升提藥凡有頭眩頭痛衄血吐血諸症



者皆屏棄不敢用此風蓋啓自潔古東垣至於今天下滔滔皆是矣。吾國醫藥之荒唐莫如金元時之張李王三氏之甚繼其說者當以汪之備要吳之從新爲最。二書流行頗廣今市醫熟念在口終身不忘既以東垣輩之言爲是則本經與大論幾可廢矣。

【修治】

採於春秋洗去泥土半寸解之陰乾收藏勿洩氣

【分劑】

煎服半至三錢

獨活

又名 羌活

本草經

獨活味苦甘平主風寒所擊金瘡止痛養脈痲痺女子疝瘕久服輕身耐老一名羌活一名羌青一名

護羌使者

名醫別錄

獨活微溫無毒療諸賊風百節痛風無久新者一名胡王使者一名獨搖草此草得風不搖無風

自動生雍州川谷或隴西南安

關中在隴西  
縣東北渭水北

二月八月採根暴乾

陶弘景

藥名無豚實恐是蝨實此州郡縣並是羌地羌活形細而多節軟潤氣息極猛烈生益州北部西川爲



獨活色微白形虛大爲用亦相似而小不如其一莖直上不爲風搖故名獨活至易蛀密器藏之

### 圖經本草

獨活羌活出雍州川谷或隴西南安今用蜀漢出者佳春生苗葉如青麻六月開花作叢或黃或紫結實時葉黃者是夾石上生葉青者是土脈中生此草得風不搖無風自動故一名獨搖草二月八月採根暴乾用本經云二物同一類今人以紫色而節密者爲羌活黃色而作塊者爲獨活一說按陶隱居云獨活生西川益州北部色微白形虛大用與羌活相似今蜀中乃有大獨活類桔梗而大氣味亦不與羌活相類用之微寒而少效今又有獨活亦自蜀來形類羌活微黃而極大收得寸解乾之氣味亦芳烈小類羌活又有槐葉氣者今京下多用之極效驗意此爲真者而市人或擇羌活之大者爲獨活殊未爲當大抵此物有兩種而獨者黃色香如蜜隴西者紫色秦隴人呼爲山前獨活古方但用獨活今方旣用獨活而又用羌活茲爲謬矣（下畧）

### 本草綱目

獨活羌活乃一類二種以中國者爲獨活西羌者爲羌活蘇頌所說頗明按王貺易簡方云羌活須用紫色有茸頭鞭節者獨活是極大羌活有目如鬼眼者尋常皆以老宿前胡爲獨活者非矣（下畧）

### 華亭述言

【產地】 產於甘肅

【主治】

入藥用根有小毒臭香味苦主通氣血痛風痺痲節痛調經貢脈疝癰金瘡止痛

【考證】

按本經獨活又名羌活非二物也自陶弘景始分爲二種以羌地產者形細而多節氣息極猛烈爲羌活產益州西川者爲獨活色微白形虛大但就俗用之獨活羌活觀之其實之構造絕非一種所謂羌活之質堅實而多節粗約食指節上生凸突卽綱目所謂有目如鬼眼者氣息猛烈功用最著若按臨症之經驗言之則此物必爲本經之獨活無疑矣今所謂獨活其體輕虛無節粗者如鷄卵其功用及氣息與本經之獨活大異蓋此爲陶氏誤指之獨活也自清本草崇原以本經羌活爲名該注云「本經止言獨活不言羌活」須不知羌活爲本經之又名也逮至備要從新求真醫學辭典中藥辭典皆將羌活獨活各立專條分經主治而備要與從新尤於獨活條云「形虛大有目如鬼眼節疎色黃者爲獨活」所謂形虛大者卽陶氏所指之獨活也所謂如鬼眼者又係本經之獨活（羌活）也竟以二物混爲一物并云「獨活理伏風羌活理遊風若血虛頭痛遍身痛者此屬內證二活並禁用」吾不知本經主貢豚痲痺女子疝瘕常爲外證乎而彼以獨活爲外證之藥何從寒論中無一方用之而竟妄擬主治以盲引盲沿用之已數百年非醫藥界之遺憾乎本經獨活與後世之獨活其生態余未日視圖考云「有公母母不抽莖入藥用公者抽莖紫白色或三葉或五葉有小鋸齒」其繪圖不知係本經獨活抑後世獨活植物辭典云獨活「繖形科二年

生草葉多生毛茸高六上尺爲大羽狀複葉數回分歧秋月枝端攢簇小白花花瓣五〔新本草綱目羌活條云〕中國產之獨活與羌活其真確之原植物究竟是一是二今尙未知依日本諸家之說則謂係屬於五茄科之獨活〔其言獨活與植物辭典同按新本草綱目以羌活屬五茄科以獨活屬繖形科如此則顯然爲二物矣綱經云〕春生苗葉如青麻六月開花〔此與植物辭典秋月開花者又異今以藥市所售之羌活獨活之乾質者繪之於後以備參考〕



先活(羌活)



後世獨活

【分劑】 煎服半至二錢

### 防風

#### 本草經

防風味甘溫主大風頭眩痛惡風風邪目盲無所見風行周身骨節痛痺煩滿久服輕身一名銅芸

#### 名醫別錄

辛無毒主脅痛風頭面去來四肢攣急字乳金瘡內瘻(葉)主中風熱汗出一名茴草一名百枝

一名屏風一名簡根一名百莖生沙苑在陝西大荔縣南川澤及邯鄲屬直隸大名道邯鄲屬山東兗州府東南境上蔡屬河南汝陽道二月十月

採根暴乾

#### 陶弘景

郡縣無名沙苑今第一出彭城蘭陵故城在山東嶧縣東卽今琅邪者鬱州百市亦得之次出襄陽屬湖北襄陽道義陽

縣界亦可用卽近上蔡者惟實而脂潤頭節堅如蛻蜎頭者爲好俗用療風最要道方時用

#### 唐本草

今出齊州今山東歷城縣龍山善淄川屬山東濟南道兗州故城在山東金嶧縣西北青州者亦佳葉似牡蒿附子苗等沙苑在

同州南亦出防風輕虛不如東道者陶云無沙苑誤矣

#### 圖經本草

防風生沙苑川澤及邯鄲上蔡今下東淮浙州郡皆有之根土黃色與蜀葵根相類莖葉俱青綠

色莖深而葉淡似青蒿而短小初時嫩紫作菜茹極爽口五月開細白花中心攢聚作大房似薔薇花實似

胡荽而大二月十月採根暴乾關中生者三月六月採然輕虛不及齊州者良又有石防風出河中府今山西永濟根如蒿根而黃葉青花白五月開花六月採根暴乾亦療頭風眩痛(下畧)

### 華亭述言

【產地】 產於山東陝西直隸河南等處

### 【形態】

繖形科防風屬三年生草本莖高二三尺亦有常臥地面者葉基抱莖互生葉柄長有縱紋數道爲三回羽狀分裂葉質稍堅無光澤夏日中心抽出花莖開小白花狀如蒔蘿花冠五片雄蕊五枚雌蕊一枚複繖花序結實卵圓形長約分許其根長約尺許徑約半寸外皮黃白內黃心白結實後卽枯死

### 【主治】

入藥用根無毒無臭鮮質嘗之微甘乾質畧辛苦主驅風利濕脅痛風痺症四肢痠急關節炎目昏頭眩

### 【考證】

圖經本草有名石防風者云產山西其根如蒿根植物辭典石防風云係防葵屬爲多年生草其生態



未見亦無圖可考按防風係三年生草山東產者爲良入藥以二年秋日或三年春日採取爲宜綠防風至三年夏日開花後卽枯死新本草綱目云「經三年者最佳三年以上質堅硬不合藥用」云三年以上者有誤此藥於關節痛四肢拘攣痛風因風溼受者宜與利溼藥並用若因氣血所虧以致神經疼者須佐黃耆當歸附子等藥

【修治】 採於二年秋日及三年春日洗去泥土切厚片晒乾收藏勿洩氣否則易蛀

【分劑】 煎服半至三錢

### 三七

#### 廣西通志

三七恭城故城在零四縣城縣中出其葉七莖三故名根形似白及有節味微甘以末搗豬血中化爲水者真

#### 本草綱目

彼人言其葉左三右四故名三七蓋恐不然或云本名山漆謂其能合金瘡如漆粘物也此說近

之金不換貴重之稱也生廣西南丹諸州番峒深山中採根暴乾黃黑色團結者狀畧似白及長者如老乾地黃有節味微甘而苦頗似人參之味或云試法以末搗豬血中血化爲水者乃真近傳一種草春生苗夏高三四尺葉似菊艾而勁厚有歧尖莖有赤稜夏秋開黃花蕊如金絲盤紐可愛而氣不香花乾則吐絮如

苦蕒根葉味甘治金瘡折傷出血及上下血病甚效云是三七而根大如牛蒡根與南中來者不類恐是劉寄奴之屬甚易繁衍

根氣味甘微苦溫無毒主治止血散血定痛金刃箭傷跌撲杖瘡血出不止者嚼爛塗或爲末搽之其血即止亦主吐血衄血下血血痢崩中經水不止產後惡血不下血運血痛赤目癰腫虎咬蛇傷諸病

### 植物名實圖考

按廣西三七金不換形狀各別通志俱載之辨其非一物本草綱目殆沿訛也其所述葉似

菊艾者乃土三七江湖廣滇南皆用之滇志土富州產三七其地近粵西應是一類尙有土三七數種俱詳草藥余在滇時以書詢廣南守答云三藍七葉畏日惡雨土司利之亦勤培植且以數缶蒔寄時過中秋葉脫不全不能辨其七數而一莖獨露頂如葱花冬深苗芽至春有苗及寸一叢數頂旋卽枯萎昆明距廣南千里而近地候異宜而余竟不能視其左右三七之實惜矣因就其半萎之莖而圖之（下畧）

### 醫學大辭典

（三七）山草類（形態）多年生草莖高三尺許葉爲羽狀分裂秋開黃褐色花成頭狀花序花

落則吐絮（根）畧似白芨而有節晒乾作黃褐色

### 華亭述言

### 【產地】

產於廣西等處

【形態】

繖形科三七屬多年生草本葉對生羽狀複葉自三四小葉構成每小葉橢圓形葉緣鋸齒其根爲塊根體生橫紋如節長短不等約半至二寸色灰褐微黑

【主治】

入藥用根無毒無臭味微甘而苦氣息難辨主清血散瘀癰毒鼠疫血燥斑疹衄血吐血血崩產後熱便血瘡毒癰腫跌打壓傷

【考證】

植物辭典無三七有三七草圖考謂之士三七卽綱目所云「近傳一種草葉似菊艾秋開黃花蕊如金絲盤紐花乾則吐絮根大如牛蒡根與南來者不類」此卽植物辭典之三七草也（見後圖）蓋三七與三七草（土三七）之花葉根均大異醫學大辭典三七條所述地上形態與繪圖均爲三七草惟云根似白芨而有節者則係三七也是以二物混爲一物矣新本草綱目亦將三七草誤爲三七子受傷風症以三七末五分柳酸一分雅片末一盞服之甚效始知三七有退邪解熱之功若於癰毒鼠疫之重症





尤爲化血中毒素妙藥於吐血鼻衄血崩使血經閉跌打等症與當歸生地等藥並用尤效若生疹痘與犀牛角雙花等藥用之尤妙

【修治】

採於春秋洗去泥土晒乾入瓶存貯用時搗碎煎服或磨汁或爲散沖服此藥易蛀勿透空氣爲要

【分劑】

散服半至一錢煎服一至五錢



元參

本草經

元參味苦微寒主腹中寒熱積聚女子產乳餘疾補腎氣令人明目一名重臺

名醫別錄

鹹無毒主暴中風傷寒身熱支滿狂邪忽忽不知入溫癰酒洒血瘦下寒血除胸中氣下水止煩渴散頸下核癰腫心腹痛聚微定五臟久服補虛明目強陰益精一名元臺一名鹿腸一名正馬一名成一

名端生河間今河北河間縣川谷及冤句三月四月採根暴乾

陶弘景

今出近道處處有莖似人參而長大根甚黑亦微香道家時用亦以合香

唐本草

元參根苗並臭莖亦不似人參陶云道家亦有合香未見其理也

開寶本草

此草莖方大高四五尺紫赤色而有細毛葉如掌大而尖長根生青白乾即紫黑新者潤膩合香用之俗呼爲馥香草酒漬飲之療諸毒鼠瘻陶云似人參莖唐本草注言根苗並臭蓋未深識爾

圖經本草

元參生河間及冤句今處處有之二月生苗葉似脂麻又如槐柳細莖青紫色七月開花青碧色八月結子黑色亦有白花莖方大紫赤色而有細毛有節若竹者高五六尺葉如掌大而尖長如鋸齒其根

尖長生青白乾即紫黑新者潤膩一根可生五七葉三月八月九月採暴乾或云蒸過日乾（下畧）

華亭述言

【產地】

產於直隸山東等處

【形態】

元參科元參屬多年生草本高約四五尺莖方有毛初爲根出葉至夏由葉中抽莖其葉對生卵圓形而尖葉緣鋸齒莖端開唇形花冠色淡綠雄蕊四枚雌蕊一枚圓錐花序其根爲塊根長約數寸徑約寸許鮮莖色白乾時皮黃白內黑形如乾地黃

【主治】

入藥用根無毒無臭味鹹主邪熱口乾舌燥咽喉腫痛項下核腫（腺腫）癰腫生津解渴明目破積溫瘰血稜利水滑腸

【考證】

此藥於咽喉腫痛佐生地銀花黃芩生石膏麥門冬等藥服之頗效養陰清肺湯即重用此藥蓋上火盛者玄參有清熱生津之功此藥重用亦有滑腸之力故吳鞠通於便結者用玄參一兩佐生地麥門冬各八錢服之有瀉腹之效本草從新云「元參色本青白其黑色乃後來溼蒸之壞色若收采時即曬乾並不黑也」玄參根解時內白晒乾變黑與生地同吳氏云色黑乃溼蒸所壞實不明藥性耳雷斅云「



勿犯銅器餌之噉人喉喪人目一徐之才又云反藜蘆蓋徐雷二氏之荒唐至今尚有守其法者

【修治】採於春秋洗去泥土晒乾切厚片收藏

【分劑】煎服一至一兩

## 苦參

### 本草經

苦參味苦寒主心腹結氣癥瘕積聚黃疸溺有餘濕逐水除癰腫補中明目止淚一名水槐一名苦議

### 名醫別錄

無毒養肝膽氣安五臟定志益精利九竅除伏熱腸澀止渴醒酒小便黃赤療惡瘡下部醫瘡平

胃氣令人嗜食輕身一名地槐一名菘槐一名橋槐一名白莖一名虎麻一名祿莖一名綠白一名陵郎生

汝南在河南汝南縣東南山谷及田野三月八月十月採根暴乾

### 陶弘景

今出近道處處有葉極細似槐樹故有槐名花黃子作莢根味至苦惡病人酒漬飲之多差患疥者一

兩服亦除蓋能殺虫

### 圖經本草

苦參生汝南山谷及田野今近道處處皆有之其根黃色長五七寸許兩指餘細三五莖並生苗

高三四尺已來葉碎青色極似槐葉故有水槐名春生冬凋其花黃白七月結實如小豆子河北生者無花

子五月六月八月十月採根暴乾（下畧）

### 華亭述言

【產地】 產於河南山東等處

【形態】 豆科槐屬多年生草本莖高二三尺葉互生爲奇數羽狀複葉每小葉卵圓形網脈全緣夏山枝端抽出

花莖開唇形花冠色黃白雄蕊十枚雌蕊一枚總狀花序果實爲莢子大如綠豆粒外褐內黃體堅硬其花葉莢酷類槐樹其根長一二尺徑約半寸外皮灰黃內白

【主治】 入藥用根則子有小毒無臭味極苦主清邪熱瀉肝胆火肝癆變硬黃疸明目開胃止渴腸澀熱痢便血

惡瘡腫痛下部醫前後陰瘻外用以鮮根合鷄蛋清搗爛敷惡瘡有效

【考證】 此藥於熱病愈後以小分劑佐他藥令其開胃有功別錄云「平胃氣令人嗜食」西醫於熱病後多以

龍胆等爲開胃之補藥而苦參較龍胆尤妙本經主黃疸別錄主養肝胆其說相通蓋黃疸多因胆管炎致胆汁入腸之路被塞或肝經盈血而腫致胆汁難出返入津管以成黃疸苦參有瀉肝胆之功故服之有效若肝患黃枯症與肝變硬尤宜惜後人不明其功只畏其寒故用者甚少其子名苦參子味極苦治痢疾瀉血神效散服半至一錢醫學大辭典云「苦參子鴉膽子之別名」中藥大辭典云「苦參子別名鴉膽子

俗名鴉蛋子。苦參子如綠豆形非鴉膽子之別名也。按鴉膽子生熟未見。子見藥市所售之乾子形橢圓兩端尖外有壳色黃褐或黑壳表有皺紋長約三分徑約二分許壳內含一仁色黃白味苦此與苦參子大不相同（見後圖）植物名實圖考云「鴉蛋子生雲南小樹間葉結實三粒相併中有一稜」苦參子瓣劑之功與鴉蛋子相同苦參子藥市無售蓋市醫以鴉蛋子即為苦參子也新本草綱目云「苦參屬豆科：秋季結莢實長二寸許中有類似小豆之種子……苦參內含植物鹽其名瑪篤林 *Martin*」徐之才云藜蘆反苦參千金大五飲外台大腹水瘕丸均與苦參並用此藥頗有收斂之力若於初利須於他藥配服以過寒藥用宜

【修治】

採根於秋日洗去泥土於鮮時切厚片暴乾收藏若待質乾切之其質內之肉純變纖維如麻苧相似採子於七八月成熟之期去其莢皮晒乾收藏勿洩氣否則易蛀用時搗碎

【分劑】

種子散服半至一錢根煎服一至五錢

【驗案】

民國初年子妻懷孕患瘧疾此年孕婦患者多嘔血死子妻初期鼻中出血六脈洪數口渴鼻乾初以白虎湯服之徵效及以苦參黃芩飲服之三劑始愈（方見後）子家工人患瀉血症日夜數次以苦參子為末每服一錢三次即愈後有黃某年七十餘患嘔血及便血症子以苦參子末三錢令其每服一錢三次亦愈子患痢初以氫化低汞服之第二服即以苦參子服之每服一錢連服二次無不愈也惟初痢不可單服

(苦參黃芩飲) 苦參 三至

五錢 黃芩 半至一兩 生地 一兩三

七一至二錢 元參 半至一兩 銀花

五錢 甘草 四錢

【苦參百部擦酒】苦參一兩 百部

一兩 蒸酒 八兩 將二藥爲粗末

浸酒中二日間時搖動過布

淋治陰毛生虫以布蘸藥水

擦於毛根處不過三次其虫

盡死

# 知母

本草經

知母味苦寒主消渴熱中除邪氣肢體浮腫下水補不足益氣一名蜺母一名連母一名野蓼一名地參一名水參一名水浸一名貨母一名蜺母

爾雅

薊沈藩注生山上葉如菲一名蜺母

藥物圖考卷四



名醫別錄

無毒療傷寒久瘧煩熱脅下邪氣膈中惡心

一本無心字

及風汗內疽多服令人洩一名女雷一名女

里一名兒草一名鹿列一名韭逢一名兒蓮草一名東根一名沈燔一名薺一名水須生河內川谷二月八月採根暴乾

陶弘景

今出彭城形似菖蒲而柔潤葉至難死掘出隨生須枯燥乃止甚療熱結亦主瘧熱煩也(下畧)

圖經本草

知母生河內川谷今瀕河諸郡及解州

關山四河東道滁州今安徽滁縣

亦有之根黃色似菖蒲而柔潤葉至難

死掘出隨生須燥乃止四月開青花如韭化八月結實二月八月採根暴乾用(下畧)

華亭述言

【產地】

產於山東河南山西等處

【形態】

知母科知母屬多年生草本根出葉叢生披針形葉基寬二三分向上漸銳長三至八寸並行脈葉表無

光狀如茅根葉六月由第二三葉腋抽出花莖高約二尺花穗長於花莖三分之一開淡紫筒狀小花花冠六片雄蕊六枚花冠唇生雌蕊一枚結實卵圓而尖長約三分呈六稜體內含種子色黑其根爲根莖外皮生毛色黃褐而黑內黃白爲肉質長五六寸徑三四分而扁根莖下部排生直根狀如多足虫故有蚯蚓之稱



【主治】

入藥用根有小毒無臭味苦而粘主傷寒邪熱溫疫瘧疾退熱解渴除煩服過分劑令人瀉消水腫

【考證】

圖經云開青花如韭花者實誤蓋韭花為繖形科此為穗狀花序其色淡紫非青色也傷寒論白虎湯與

白虎加人參湯及麻黃升麻湯用之金匱白虎加

桂枝湯與桂枝芍藥知母湯及酸棗湯用之考知

母為苦寒清火之劑綱目云「引經上行則用酒

浸下行則用鹽水」按知母本經主消渴熱中除

邪氣別錄主傷寒久瘧煩熱蓋酒鹽之性非傷寒

邪熱諸症所宜也而備要求真原始從新醫學辭

典俱從其炮製之法實屬非是

【分劑】

煎服半至五錢

貝母

本草經

貝母味辛平主傷寒煩熱淋瀝邪氣疝瘕喉痹乳癰金瘡風瘰一名空草



爾雅

苗貝母註根如小貝圓面白華葉似韭

詩經

言采其蔞陸璣疏今藥草貝母也其葉如栝樓而細小其在根下如芋子正白四方連累相着有分

解也

名醫別錄

苦微寒無毒療腹中結實心下滿洗洗惡風寒目眩項直欬嗽上氣止煩熱渴出汗安五臟利骨

譜一名藥實一名苦花一名苦菜一名商草一名勤母生晉地十月採根暴乾

陶弘景

今出近道形似聚貝子故名貝母斷殺服之不飢

唐本草

此葉似大蒜四月蒜熟時採良若十月苗枯根亦不佳也出潤州今江蘇丹徒縣荊州今湖北江陵縣襄州者最佳江南

諸州亦有味甘苦不辛

圖經本草

貝母生晉地今河中江陵府屬湖北荆南道鄆壽隨鄭蔡潤澤州皆有之根有瓣子黃白色如聚貝子故

名貝母二月生苗莖細青色葉亦青似蕎麥葉隨苗出七月開花碧綠色形如鼓子花八月採根曬乾此有數種鄙詩言采其蔞陸機疏云蔞貝母也葉如栝樓而細小其在根下如芋子正白四方連累相着有分解今近道出者正類此郭璞注爾雅云白花葉似韭此種罕復見之此藥亦治惡瘡唐人記其事云江左嘗有商人左膊上有瘡如人面亦無他苦商人戲滿酒口中其面亦赤色以物食之亦能食食多則覺膈肉肉

眠起或不食之則一臂或有善醫者教其歷試諸藥金石草木之類悉試之無苦至貝母其瘡乃聚眉閉口  
商人喜曰此藥可治也因以小葦筒毀其口灌之數日成痂遂愈然不知何疾也謹按本經主金瘡此豈金  
瘡之類歟

植物名實圖考

貝母本經中品爾雅苕貝母注根如小貝圓而白華葉似菲陸璣詩疏葉如梧樓而細小子  
在根下如芋子正白圖經云此有數種菲葉者罕復見之今有川貝浙貝兩種按陸疏以爲似梧樓葉而細  
小郭注以爲似菲葉宋圖經以爲似蕎麥葉各說既不同原圖數種亦不甚符今川中圖者一葉一莖葉頗  
似蕎麥葉大理府點蒼山生者葉微似菲而開藍花正類馬蘭花其根則無甚異果同性耶(下畧)

華亭述言

【產地】 產於湖北江蘇四川浙江等處

【形態】 此藥生態未視植物辭典有二種所言形態與圖考相似予所見者爲鱗莖之乾質大如指頂爲二三鱗

片構成外黃白內爲澱粉質

【主治】 入藥用根有小毒無臭味畧甘苦主煩熱邪氣喉痺欬逆氣胸滿結氣乳癰

【考證】 千金翼與本草綱目及本草崇原附刻之本草經內有「乳難」二字植物名實圖考作「乳癰」按乳

難卽產難與乳癰症大異觀本經主疔癰喉痺乳難金瘡等之主症其難字當是癰字之誤書圖經云「此藥亦治惡瘡」大明云主惡瘡汪機主「肺癰婦人乳癰癰疽」唯唐之甄權云「治產難及胞衣不出」究其主產難及胞衣不出是由乳難之誤而來備要與從新又主「乳閉產難」以產地分其主治云象山貝母「去時感風痰」土貝母「治外科證痰毒」醫學大辭典又附而演之云川貝母主「婦人乳閉產難胞衣不出」浙貝母主「婦人乳癰」土貝母亦主「乳癰」蓋後世本草於藥性未嘗考驗卽著書立說自誤誤人良可慨也圖考所繪貝母之葉與植物辭典之蕎麥葉略相似惟一根只繪一葉爲異今將二圖並繪於後以備參考按陸賈云其葉如栝樓而細小者卽此種也郭璞云葉似韭卽蘇恭云似大蒜葉圖考云「大理府點蒼山生者葉微似韭」其根之形態與功用是否與蕎麥葉相同未曾經驗未敢妄斷以植物形態學而論此當屬別科植物緣披針葉與蕎麥葉非同種也徐之才云反烏頭千金牙散係與烏頭並用雷斅云「貝母中有獨顆團不作兩片無皺者號曰丹龍精不入藥用誤服令人筋脈永不收用黃精小藍汁服之立解」雷氏此段之荒唐尤過於徐氏烏頭反貝母也醫學大辭典云土貝母「獨齋不分」觀其主治甚多而藥市亦售未見服後有筋脈不收之患足見雷氏之欺人也

## 【修治】

採時洗去泥土乾時收藏勿洩氣此藥易蛀

【分劑】 散服三至一錢煎服半至三錢



### 芎藭

本草經

芎藭味辛溫主中風入腦頭痛寒痺筋攣緩急金瘡婦人血閉無子

名醫別錄

無毒主除腦中冷動面上遊風去來目淚出多涕唾忽忽如醉諸寒冷氣心腹堅痛中惡卒急腫



陶弘景

痛脅風痛濕中內寒一名胡窮一名香果其葉名蘭蕪生武功

關陝西  
關中道

川谷斜谷西嶺三月四月採根暴乾

今惟出歷陽節大莖細狀如馬銜謂之馬銜芎藭蜀中亦有而細人患齒根血出者含之多差苗名蘭

蕪亦入藥別在下說俗方多用道家時須耳（下畧）

圖經本草

芎藭生武功川谷斜谷西嶺蘭蕪芎藭苗也生雍州川澤及宛句今關陝蜀川江東多有之而以

蜀川者爲勝其苗四五月間生葉似芹胡萎蛇牀藟作叢而莖細（中畧）七八月開白花根堅瘦黃黑色

三月四月採暴乾一云九月十月採爲佳三月四月非時也關中出者俗呼爲京芎並通用惟貴形塊重實

作雀腦狀者謂之雀腦芎（下畧）

華亭述言

【產地】

產於陝西四川安徽等處

【形態】

繖形科芎藭屬多年生草本高一二尺葉爲羽狀分裂葉緣鋸齒葉柄長秋日開小白花花冠五片複繖

花序其根爲塊根凹凸不圓約寸許外皮褐黑內灰白有羅紋

【主治】

入藥用根有毒臭氣甚濃味辛烈天產者力大主平腦頭痛目淚涕唾心腹堅痛腹寒臨痛痛風症筋

變破瘀經閉瘡毒

【考證】

此藥辛烈有毒不可過分劑恐中毒致死雖為安撫神經醫頭痛之良劑然不可單服日久本草衍義云「此藥今人所用最多頭面風不可闕也然須以他藥佐之沈括云余一族子舊服芎藭醫鄭叔熊見之云芎藭不可久服多令人暴死後族子果無疾而卒又朝士張子通之妻病腦風服芎藭甚久亦一旦暴亡皆目見者此蓋單服耳若單服日久則走散真氣既使他藥佐使又不可久服中病便已則烏能至此也」此藥醫頭痛宜佐白芷蔓荊子羌活菊花甘草醫血痺痛風類症宜加烏頭當歸等藥若醫經閉宜佐調經藥此藥內含揮發油及蔗糖等

【修治】

採於秋日洗去泥土曬乾收藏用時以捶搗碎此藥體質甚堅藥房所製先入水浸一日去水令其滋潤半日再水浸至半日待其柔軟始能切成薄片其力大遜本書之分劑係用原質

【分劑】

佐他藥煎服半至一錢半

補骨脂



芎藭

開寶本草

又名 破故紙

補骨脂味辛大溫無毒主五勞七傷風虛冷骨隨傷敗腎冷精流及婦人血氣墮胎一名破故紙  
生廣南諸州及波斯國樹高三四尺葉小似薄荷其舶上來者最佳

圖經本草

補骨脂生廣南諸州及波斯國今嶺外山坡間多有之不及番舶者佳莖高三四尺葉似薄荷花  
微紫色實如麻子圓扁而黑九月採（下略）

華亭述言

【產地】 產於雲南及波斯等處

【形態】 豆科補骨脂屬一年生草本高三四尺葉作橢圓形

夏秋間由葉腋生出寸許之穗開淡紫色蛾形之小花

結實呈球形大約分許熟時外皮色黑中含種子扁圓

形呈腎狀長一二分色褐黑

【主治】 入藥用子有小毒別具氣息味辛苦主虛寒瀉腹遺

精暖腎縮小便調經壯筋骨





【考證】補骨脂治寒瀉腹痛佐乾薑芍藥吳茱萸白朮木香等藥證治準繩治五更瀉以此藥佐五味子肉豆蔻

吳茱萸生薑棗肉爲丸名四神丸服之頗效余有小便頻數症以補骨脂丸（方見後）服至半月大顯功效

【補骨脂丸】補骨脂一斤 益智子六兩 麥奴一兩 核桃仁六兩 食鹽一兩 煉蜜爲丸日服二次每服三錢

【分劑】煎服半至三錢

## 益智子

唐本草

益智子似連翹子頭未開者苗葉花根與豆無別惟子小爾

嶺微廣州記

云益智葉似蕤荷長丈餘其根上有小枝高八九寸無華莖如竹筍子從心出一枝有十子

叢生大如小棗其中核黑而皮白核小者佳合之攝涎穢或四破去核取外皮蜜煮爲粽其味辛甘虛循遺

劉裕益智粽是此也

開寶本草

益智子味辛溫無毒主遺精虛漏小便餘瀝益氣安神補不足安三焦調諸氣夜多小便者取二

十四枚碎入鹽同煎服有奇驗按山海經云生崑崙國

圖經本草

益智子生崑崙國今嶺南州郡往往有之葉似蕤荷長丈餘其根傍生小枝高七八寸無葉花萼

作穗生其上如粟許大皮白中仁黑仁細者佳合之攝涎唾探無時盧循爲廣州刺史遺劉裕益智粽裕答以續命湯是此也

南方草木狀

益智子如筆豪頭長七八分二月花連著實五六月熟味辛雜五味中芬芳亦可曬曝出交趾合浦建安八年交州刺史張津嘗以益智子粽餽魏武帝

植物名實圖考

益智子詳南方草木狀開寶本草始著錄今廬山在江西星子縣西北亦有之盧循遺劉裕益智粽卽薺類非角黍也段玉裁辨之極精核可以訂訛

醫學大辭典

(一) 益智芳草類(形態)產於閩廣葉尖長春日開花色似蓮至夏結實子如小棗兩端皆尖(長七八分)多去核蜜漬或和米作糗食味辛香「仁」可療疾詳本條(二) 龍眼之別名

華亭述言

【主治】 入藥用子有小毒味辛香而苦主行氣開胃食積暖腎縮小便遺精白帶

【考證】 此藥生態未見唐本草云苗葉花根與豆無別顯微廣州記與圖考及綱目皆云葉似蕺荷長丈餘與圖

考所繪之圖相合(見後圖)其產地諸書所言不一開寶與圖經云生崑崙國又云今領南州郡往往有之醫學辭典云產於閩廣新本草綱目云多產於東印度此藥植物辭典無之予僅見藥市所售之乾實形

橢圓兩端尖（見後圖）長約五六分中徑約三分外殼灰褐內子爲二十餘粒集合而成外褐內白按益智子與益智（龍眼）混淆者久矣自唐宋以來凡言益智子者多與益智相混如顧微廣州記云「大如小棗」蓋益智子橢圓而尖如小棗也又云「其中核黑而皮白核小者佳」此益智也又云「含之攝涎穢」此益智子也又云「或四破去核取外皮蜜煮爲粽食」此又益智也蓋益智子四破無核只有內仁二十餘粒與外皮皆辛苦安能蜜煮爲粽食圖經本草與南方草木狀所述性味形態皆半言益智半言益智子圖考云「劉裕益智粽即醬類非角黍也」蓋吳其游氏知益智子之辛苦不堪作粽食乃疑粽爲醬類蓋未念及龍眼又名益智龍眼作粽不亦宜乎本草求真益智條云「味辛收攝涎唾」當是益智子非益智也醫學大辭典云「至夏結實子如小棗兩端皆尖長七八分味辛」此言益智子又云「多去核蜜漬或和米作粽食」此又言益智中藥大辭典益智條云「芳草類味辛溫」此又以益智爲益智子也新本草綱目益智條云「爲香味藥種類頗夥縮砂草果等皆屬之」此亦誤益智爲益智子也後世書益智子多將子字刪去如證治準繩之益智丸與散及湯李東垣之益智和中丸與湯觀其主治皆益智子非益智也

### 【分劑】

散服二至五分煎服半至三錢



益智子

# 蛇牀子

本草經

爾雅

蛇牀子味苦平主婦人陰中腫痛男子陰痿濕癢除痺氣利關節痲癩惡瘡久服輕身一名蛇米

盱眙牀註蛇牀也一名馬牀廣雅云



益智又名龍眼

**名醫別錄**

辛甘無毒溫中下氣令婦人子歲然男子陰強好顏色令人有子一名蛇藥一名虺牀一名思益

一名繩毒一名藁棘一名牆藤生臨淄屬山東膠東道川谷及田野五月採實陰乾

**陶弘景**

近道田野墟落間甚多花葉正是藤蕪

**圖經本草**

蛇牀子生臨淄川谷及田野今處處有之而揚州襄州者勝三月生苗高二三尺葉古碎作叢似

蒿枝每枝上有花頭百餘結同一窠似馬片類四五月開白花又似繖狀子黃褐色如黍米至輕虛五月採

實陰乾爾雅謂之盱一名虺牀

**華亭述言**

**產地**

多產海邊溼地

**形態**

繖形科蛇牀子屬二年生草本莖高尺許秋日生苗初為根出葉至春抽莖莖中空外有縱溝數道莖之

下部畧含紫色葉基藏出於關節葉互生三回羽狀分裂初夏由莖端及葉腋抽出長花莖開繖簇小白花

花冠五片向內卷曲雄蕊五枚雌蕊二枚複繖花序結實小如粟而長每子分二片每片外有五稜狀類苗

香外面黃褐微帶茸毛內面如鄂其體輕虛結實後即枯死根如蒿根色黃白

**主治**

入藥用子葉莖有毒味辛苦麻舌主陰痿陰中腫痛調經暖子宮利關節痛風通經絡皮膚濕癢前後陰

瘰癧瘡類例

【考證】

本經用子實其莖葉之力不亞於子實入口嘗至數分鐘其辛力始顯能留口中一小時之久若用過分劑易於瀉腹與菘絲子並用其瀉力尤重乃因育道生莖與巴豆致瀉之性相同飲以米粥即愈或用金匱甘麥大麥湯亦可李時珍云「世人捨此而求補藥於區域豈非賤目貴耳乎」近世補劑分參茸爲貴若蛇牀子則用者鮮矣按蛇牀子爲激刺血絡之效藥其於調經激刺卵巢溫暖子宮尤妙本經與別錄之主



治皆其精確惜後世因其易得而忽之矣

【分劑】 煎服半至二錢

【蛇牀子洗藥】 蛇牀子五錢 苦參四錢 枯礬錢 蜈蚣草 兩苦棟根皮四錢 將各藥煎好過布淋後加枯礬溶化於

前後陰癢洗之頗效若內癢以大水節注射洗之尤妙

## 牡丹

本草經

牡丹味辛寒主寒熱中風癰癩瘡驚邪氣除癥瘕瘀血留舍腸胃安五臟癩癧瘡一名鹿韭一名鼠姑

名醫別錄

苦微寒無毒主除時氣頭痛客熱五勞勞氣頭腰痛風癩癩疾生巴郡

今四川巴縣

山谷及漢中二月

八月採根陰乾

陶弘景

今東間亦有赤色者爲好用之去心按鼠姑亦名鼠姑而此又同殆非其類恐字誤

圖經本草

牡丹生巴郡山谷及漢中今丹延青越濼和州山中皆有之花有黃紫紅白數色此當是山牡丹

其莖梗枯燥黑白色二月於梗上生苗葉三月開花其花葉與人家所種者相是但花止五六葉耳五月結子黑色如雞頭子大根黃白色可五七寸長如筆管大二月八月採銅刀劈去骨陰乾用（下畧）

華亭述言

【產地】 中國各地皆產

【形態】

毛茛科芍藥屬落葉灌木高三四尺葉互生羽狀分裂春日枝間萌芽生出莖葉開花數寸種類甚繁瓣有單複色有紅黃白紫等色雄雌蕊數不同結實爲莢其根皮外灰褐而黑內粉白中心爲木質

【主治】

入藥用根皮有毒味辛烈而苦有麻性此藥主治有四（一）平腦系醫頭痛止驚悸瘵癰痛風痺症（二）退熱平血燥勞症寒熱往來（三）調經暖子宮除癥堅通經破瘀卵巢系痛（四）瘡瘍腫痛

【考證】

牡丹根皮色灰褐內質純白故市醫

名粉丹皮非紅花者色紅而利白花者

色白而補李時珍云「赤花者利白花

者補人亦罕悟宜分別之」考李氏以

色分補利係乘陶氏茯苓芍藥之謬陶

云茯苓白補赤利芍藥赤者小利後世

皆附而演之張元素云「丹者赤色火



牡丹



也故能瀉陰胞中之火。按牡丹之丹字非指其丹色爲名若曰爲是則牡丹之牡字當作牝牡解矣况牡丹根皮外表灰褐內質純白其花有紅白綠紫等色豈根與花純爲丹色也吾國醫學其穿鑿附會與夫齒莽而失其實者則又不可勝計也余謂前人已誤不容復追後人繼作不可致意於斯也此藥內含元素名魄奧挪爾作針狀結晶體

### 【修治】

採於秋日勿採於春綠牡丹根皮充滿於秋洗去泥土輕刮外皮於鮮時抽去中心木質陰乾收藏用時搗碎勿用水浸切片則辛烈與麻性失去矣

### 【分劑】

煎服半至三錢

## 紫蘇

別錄名蘇

### 爾雅

蘇桂在註蘇在類故名桂在

### 名醫別錄

蘇味辛溫主下氣除寒中其子尤良

### 陶弘景

葉下紫色而氣甚香其無紫色不香似在者多野蘇不堪用其子主下氣與橘皮相宜同療

圖經本草

蘇紫蘇也舊不著所出州土今處處有之葉下紫色而氣甚香夏採莖葉秋採實其莖并葉通心經益脾胃養飲尤勝與橘皮相宜氣方中多用之實主上氣咳逆研汁煮粥尤佳長食之令人肥健若令宜通風毒則單用蘇去節大良（下略）

華亭述言

【產地】 中國各地皆產

【形態】

唇形科紫蘇屬一年生草本高約二尺許莖方葉對生心臟形葉柄長葉緣鋸齒葉背紫色初秋開唇形花冠排列成行狀如穗雄蕊四枚雌蕊一枚總狀花序結實成筒長約二分內含蘇子三四粒小如粟米色褐黑

【主治】

入藥用莖葉子無毒味辛苦主下氣止嗽發表利濕

【考證】

紫蘇別錄單名蘇陶氏云「蘇葉下紫色而氣香其無紫色不香似荏者」圖經云「蘇紫蘇也」按蘇與荏係一類二種蘇之莖葉色紫故後世又名紫蘇本書從之荏之莖葉色綠白故名白蘇蓋蘇荏形態相同惟色為異古人皆入藥用而後世多用紫蘇用白蘇者無之近世於傷風藥多用蘇葉於降氣止嗽多用蘇子本草從新又立蘇梗條云「功力稍緩挾虛者宜之」此甚無謂之分析也蓋葉與子之力較為不同

其梗葉之力有何異也新本草綱目云「蘇子之功專在芳香達氣然今用其子而去壳則淡薄而無香氣故須連子壳用之乃最有效」中醫純用其子緣其實雖屬於閉果之瘦果而頂端開口種子最易散失故中藥採子去壳其辛香亦存若帶殼用之亦佳余幼年醫效嗽不止症以此藥與開痰藥並施以爲引氣下達止咳法也若常邪火甚旺之際用之往往致患者效嗽停止胸部脹悶欲嗽不能始知此藥利肺之力少而降氣之力大若久嗽無邪而喘者乃爲主要之藥金匱半夏厚朴湯主婦人咽中如有炙燭考此方內用蘇葉余謂宜用蘇子觀別錄云「蘇主下氣其子尤良」陶弘景云「用其子主下氣」蓋蘇子降氣較葉力爲大半夏厚朴湯用葉豈古方本如此耶抑傳抄之誤耶則不得而知矣

### 【修治】

採葉於六月盛旺之候陰乾收藏採子於成熟之期勿待莖葉枯槁種子最易散失晒乾去壳取子收藏若帶壳收藏須陰乾乃至種子遺落也

### 【分劑】

莖葉煎服一至四錢子半至二錢



# 莎草根

唐名 香附子

## 爾雅

藹侯莎其實緹註夏小正曰藹也者莎蒨緹者其實

## 名醫別錄

莎草根味甘微寒無毒主除胸中熱充皮毛久服令人益氣長鬚眉一名藹一名侯莎其實名緹

生田野二月八月採

## 唐本草

此草根名香附子一名雀頭香大下氣除胸腹中熱所在有之莖葉都似三稜根若附子周匝多毛交

州者最勝大者如粟近道者如杏仁許荆襄人謂之莎草根合和香用之

## 本草綱目

莎葉如老韭葉而硬光澤有劍脊稜五六月抽一莖三稜中空莖端復出數葉開青花成穗如黍

中有細子其根有鬚鬚下結子一二枚轉相延生子上有細黑毛大者如羊棗而兩頭尖采得燎去毛暴乾  
貨之（下畧）

## 華亭述言

## 【產地】

中國溼地近沙處多產之近海沙地尤盛

【形態】

莎草科莎草屬多年生草本高尺許莖三稜初生常臥地上葉互生長披針形質堅硬全緣並行脈葉表光澤夏日莖端分岐作穗開赤褐小花其根爲塊根長短不一長約一二寸徑約二三分外褐內白

【主治】

入藥用根有小毒臭香味苦畧辛主行氣開鬱調經

【考證】

莎草入藥用根係別錄收入名莎草根至唐本草又名香附子李時珍云「別錄止云莎草不言用苗用根後世皆用其根名香附子而不知莎草之名也」此係李氏讀本漏去根字非別錄收入時名莎草無根字也按千金翼與名實圖考附刻之別錄皆名莎草根蓋古人入藥之名無不審察其命名之意非後世之順口開河遂意而亂爲也觀唐本草云「荆襄人謂之莎草根」是莎草入藥用根非用其苗葉及子實也後世名香附子近世又名香附是愈去而愈遠矣

【修治】

採於秋日晒乾搓去根鬚用時搗碎綱目云「生則上行胸膈熟則下走肝腎炒黑則止血搜炒童浸



則入血分而補虛鹽水浸炒則入血分而潤燥青鹽炒則補腎氣酒浸炒則行經絡醋浸炒則消積聚薑汁炒則化痰。備要從新求真醫學大辭典俱從其說蓋鹽酒薑醋泡炒蒸炙此庖丁治僕之法不可以製藥也中古藥物學自雷斅作備學者自從至今誤人無算良可慨已。

【分劑】煎服一至三錢

## 葶藶

本草經

葶藶味辛寒主癥瘕積聚結氣飲食寒熱破堅逐邪通利水道一名大室一名大適

爾雅

葶藶注實葉皆似芥一名狗薺

名醫別錄

苦大寒無毒下膀胱水伏留熱氣皮間邪水出面目浮腫身暴中風熱癘痒利小腹久服令人

虛一名丁歷一名草蒿生葶藶平澤及田野立夏後採實陰乾

圖經本草

葶藶生葶藶平澤及田野今京東陝西河北州郡皆有之曹州者尤勝初春生苗葉高六七寸有

似薺根白枝葉俱青三月開花微黃結角子扁小如黍粒微長黃色立秋後採實暴乾（下畧）

華亭述言

【產地】 產於陝西山東直隸等處

【形態】 十字花科葶藶屬二年生草本莖高七八寸至尺許葉互生卵圓形或橢圓形葉緣鋸齒莖葉生茸毛春

日由莖端分枝開小黃花冠四片總狀花序果實爲角熟時分裂內含種子小如車前子色黃褐

【主治】 入藥用子有毒無臭味苦辛主逐水利尿管消身面水腫破癥瘕積聚結氣通肺調經痛瘕

【考證】 此藥有甜苦二種甜者不入藥用須以味苦辛者爲真故有通肺利水消腫之功金匱於肺癰喘不得臥

曾以葶藶大棗湯主之若時唾腥臭之膿如米粥者

以桔梗湯主之蓋葶藶係瀉肺部之藥塞故本經主

結氣非肺癰之主藥也樂徵云「葶藶大棗湯桔梗

湯桔梗白散同治肺癰而異其方向也爲則答曰用

桔梗之證濁唾腥臭久久吐膿者也用葶藶之證浮

腫清涕咳逆喘鳴者也故因其見證而處方不爲病

名所昉斯爲得也」蓋此藥之功用有二於肺能散

結氣於腎有利尿之功故有消腫之效李東垣云「

葶藶



亦能洩大便」實誤耳蓋利尿之劑大便無不反鞭大論云「屬府者不令洩數洩數則大便反鞭」本經與別錄未主肺部症惟於利水消腫相同或云消腫即肺主皮毛之力然余大不爲是蓋即謂肺主皮毛係水分由表排泄今則葶糜係由腎部排泄而利尿也余驗此藥止喘較利尿消腫之功爲遜本草從新云「子如黍米微長色黃」按葶糜子小如車前子色黃褐豈有如黍米之大也蓋吳氏未見葶糜子係抄寫圖經之誤耳圖經云「結角子扁小如黍粒微長黃色」

【分劑】

煎服三分至一錢

紫葳

一名凌霄

本草經

紫葳味酸微寒主婦人產乳餘疾崩中癥瘕血閉寒熱羸瘦養胎

名醫別錄

葶葉味苦無毒主痿躄益氣一名陵若一名菱華生西海川谷及山陽

陶弘景

李云是瞿麥根今方用至少

唐本草

此卽凌霄花也連葶葉俱用按爾雅釋草云若一名陵若黃花躡白華芡郭云一名陵時又名凌霄本



經云一名陵苕苕華卽用華不用根也山中亦有白華者按罌麥花紅無黃白者且紫葳罌麥皆本經所載若用罌麥根爲紫葳何得復用莖葉體性既與罌麥乖異生處亦不相關郭云凌霄此爲眞說也

### 本草綱目

凌霄野生蔓纒數尺得木而上卽高數丈年久者藤大如杯春初生枝一枝數葉尖長有齒深青色自夏至秋開花一枝十餘朵大如牽牛花頭開五瓣赭黃色有細點秋深更赤八月結莢如豆莢長三寸許其子輕薄如榆仁馬兜鈴仁其根長亦如馬兜鈴根狀秋後采之陰乾

### 華亭述言

### 【產地】 各地皆產之

### 【形態】

紫葳科紫葳屬落葉蔓生木本莖生氣根藉以攀援於他物之上莖對生爲羽狀複葉葉脈下陷葉卵圓而尖有深鋸齒夏日由枝端抽出花軸着生二三十花萼五裂筒狀花頂端五裂花大二寸餘色赤褐二強雄蕊花冠着生藥頭分裂雌蕊一枚初開柱頭如箭漸則分裂兩片每花約開三日卽落根爲條根

### 【主治】

有毒花葉莖根味苦主破癥殺通血閉崩中帶下膚癢風疹

### 【考證】

陶弘景引「李云是罌麥根」實誤因罌麥屬草類也綱目與羣芳譜云結莢如豆莢長三寸許醫學大辭典亦從其說植物大辭典未言結實余蒔養者亦未見其結實按紫葳與紫荊屬豆科皆結莢惟紫葳非

屬豆科安能結莢况花如牽牛花而結莢者實罕見之而綱目言其結莢是否張冠李戴或爲別具一種耶  
齊學云「葉出氣」按植物葉表與背俱生細孔名曰氣孔其開閉直接原因皆在胞內之水壓其間接原因實依乎日光溫度溼熱氣管齊與否言此或云「莖出氣根」之誤也綱目云「其根亦如馬兜鈴根  
狀」而醫典竟云「根如兜鈴」尤爲大誤

【分劑】

煎服一至三錢

葦撥

嘉祐本草

葦撥味辛大溫無毒主溫中下氣補腰脚殺腥氣消食除胃冷陰病按癰其根名葦勃沒主五勞

七傷陰汗核腫生波斯國此藥叢生莖葉似蒟醬子緊細味辛烈於蒟醬

圖經本草

葦撥生波斯國今嶺南有之多生竹林內正月發苗作莖高三四尺其莖如筍葉青圓闊二三寸

如桑面光而厚三月開花白色在表七月結子如小指大長二寸已來青黑色類樵子九月收采（下畧）

海藥本草

謹按徐表南州記本出南海長一指赤褐色爲上復有葦撥短小黑硬不堪船上者味辛溫又主

老冷心痛水瀉虛痢嘔逆醋心產後痢疾與阿魏和合良亦滋食味得訶子人參桂心乾薑治臍府虛冷腸

鳴洩痢神效

華亭述言

【產地】 產於印度

【主治】 入藥用子有毒味極辛主溫中下氣煖胃消食腸胃氣痛寒洩腹痛痢疾殺腥氣

【考證】 此藥形態未見僅見市售之果實長橢圓畧如辛夷之實長約一二寸徑約二三分集生小粒色褐味辛

主行氣煖腸胃於寒洩久痢佐芍藥乾薑吳茱萸肉桂頗效胃氣痛宜與丁香茴香官桂乾薑并用本草從新云「古方用此甚少以其耗散真氣動脾肺之火且損目耳」此藥產於印度自宋始入中國古方能用之吳氏不明藥性動輒耗散真氣動脾肺之火藥料詳要云「和平之香激涎藥能解渴開胃祛風」嘉祐云「殺腥臭氣消食除胃冷」吳氏不究藥性概以辛氣之藥誤為耗散真氣是為大謬

【分劑】 煎服半至一錢半

## 決明子

本草經

決明子味鹹平主青盲目淫膚赤白膜眼赤痛淚出久服益精光輕身

名醫別錄

苦甘微寒無毒主療唇口青生龍門川澤石決明生豫章十月十日採陰乾百日

陶弘景

龍門乃在長安北今處處有葉如苳芒子形似馬蹄呼爲馬蹄決明用之當搗碎又別有草決明是蕒

蒿子在下品中也

圖經本草

決明子生龍門川澤今處處有之人家園圃所蒔夏初生苗高三四尺許根帶紫色葉似苳蒿而

大七月有花黃白色其子作穗如青蕒豆面銳按爾雅蕒店蕒荈釋曰藥草決明也郭璞注云蕒黃銳亦華實如山菜蕒關西謂之蕒葇與此種頗不類又有一種馬蹄決明葉如苳芒子形似馬蹄故得此名又蕒蒿子亦謂之草決明未知孰爲入藥者然今醫家但用子如蕒豆者其石決明是蚌蛤類當在虫獸部中

華亭述言

【產地】

產於陝西等處

【主治】

有小毒初入口微苦後畧辛主青盲白膜砂眼淚出唇口青輕瀉

【考證】

此藥生態未見僅見市售之乾子色黃綠長約分許徑約一分兩端坡斜一端中間凸起一端中間陷凹蓋凹凸係兩子相連之處卽圖經云如青蕒豆綱目云「角中子數十粒參差相連狀如馬蹄青綠色」云如蕒豆係指表面而言云如馬蹄係指一面坡斜綱目云「一種苳芒決明角中子數列狀如蕒蕒子面扁

「此係別種植物非入藥之決明子也此藥足分劑能致洩腹故於急性之砂眼症須足分劑本經名「青盲」者今名青光眼俗名氣眼眼爲常見重要之症係眼球內壓加增其因有二(一)充血性(二)非充血性充血性又分急慢性二性只在眼球內壓之遲速內壓速即成充血性日漸變更即不顯充血名單純青光眼醫治分爲二期(一)爲急性發作期(二)爲青盲期急性發作視力速失明內疼甚循三叉神經枝延布以致劇烈之頭痛或患嘔吐則瞳孔開大形卵圓而不靈活慢性充血性青光眼較急性者甚多常順行至發炎期無蟬聯發炎其球結合膜充血而暗腫孔開大痛較急性者輕視力漸失若單純青光眼係慢性於外部視之無何等之徵狀亦無痛苦似無病者或微顯角膜周圍之充血究青盲之病理多因眼球內壓加增或靜脈充血必因分泌與排泄之機關紊亂所致患者多在四十至七十之間四十以前者較爲罕見充血性婦人較男子爲多單純者則男女相等概係兩眼惟兩眼前後發生者居多或數月或數年西醫手術多於鞏膜兼虹膜截除術以藥施治則以縮瞳藥爲主要如柳酸尼司達 (Atropin) 或鹽酸疋羅卡平 (Pilocarpin) 若於急性充血宜於百會印堂攢竹太陽五穴各刺血三五滴內服決明子鱗鱗秦皮夏枯草石決明菊花蒲公英辛夷等藥惟鱗鱗藥市售者甚鮮須於腐草下自取之外用柳酸尼司達以蒸水融化滴一二滴於眼內以縮其瞳孔此症忌服開瞳之藥如麻黃曼陀羅木賊等藥

【分劑】 一至半兩

### 羊躑躅

又名鬧羊花

本草經

羊躑躅味辛溫主賊風在皮膚中淫淫痛濕癢惡毒諸瘰

名醫別錄

有大毒邪氣鬼疰瘰毒一名玉支生太行山川谷及淮南山三月採花陰乾

陶弘景

近道諸山皆有之花苗似鹿葱羊誤食其葉躑躅而死故以爲名不可近眼

圖經本草

羊躑躅生太行山川谷及淮南山今所在有之春生苗似鹿葱葉似紅花莖高三四尺夏開似凌

霄山石榴旋蕊叢而正黃色羊誤食其葉則躑躅而死故以爲名三月四月採花陰乾今嶺南蜀道山谷徧生皆深紅色如錦繡然或云此種不入藥古大方多用躑躅如胡洽治時行赤散及治五噎四滿丸之類及治風諸酒方皆雜用之又治百病風濕等魯王酒中亦用躑躅花今醫方搗脚湯中多用之南方治蠱毒下血有躑躅花散甚勝

植物名實圖考

羊躑躅本經下品南北通呼鬧羊花湖南謂之老虎花俚醫謂之搜山虎種蔬者漬其花以

殺虫又有一種大葉者附後

搜山虎附搜山虎卽羊躑躅一名老虎花古方多用今湯頭中無之具詳本草綱目按羅思舉草藥圖搜山虎春日發黃花青葉能治跌打損傷內傷要藥重者一錢半輕者一錢不可多用霜後葉落但存枯根湖南俚醫以爲發表入陽明經之藥是此藥俗方中仍用之中州呼鬧羊花取其花研末水浸殺菜蔬虫老圃多蓄之其葉稍瘦產長沙者葉闊厚不似桃葉花澀結實有棱

### 華亭述言

【產地】 中國多產之

【形態】 石南科羊躑躅屬落葉灌木幹高五六尺葉倒卵形長約二寸五六分初夏開合瓣花冠色淡黃或黃褐  
花莖長約七八分總狀花序果實爲乾果狀如連翹內仁畧似芝麻此花酷似杜鵑花<sub>世</sub>有異處花大色黃  
關於初夏而杜鵑花開於五月中其色有紅白紫等色惟黃色者無之

【主治】 入藥用花有大毒味辛別具氣息主平腦系解抽掣痺症偏癱皮膚淫淫作痛溼留關節疼痛

【考證】 萬國與老版賀氏療學中之鬧羊花今名黑萹若非中國之鬧羊花也惟二藥功用相同此藥後世用者

甚少清備要求眞原始俱未收入今藥市已無售者  
惟本草從新有名士連翹者係羊躑躅之果實狀如  
蓮翹故俗呼土連翹入藥用花故別錄云「採花除  
乾」今吳氏獨以果實入藥究不知其何所用意此  
藥爲治賊風諸症之效藥蘇頌云古大方多用羊  
躑躅惟後世畏毒不用殊不知此等症絕非參朮茶  
草所能醫也

【分劑】煎服一至三分

### 蜀椒

本草經

蜀椒味辛溫主邪氣欬逆溫中逐骨節皮膚死肌寒濕痺痛下氣久服之頭不白身輕增年

名醫別錄

大熱有毒除六腑寒冷傷寒溫瘧大風汗不出心腹留飲宿食腸澼下痢洩精女子乳餘疾散  
風邪痲結水腫黃疸鬼疰蠱毒殺虫魚毒開腠理通血脈堅齒髮調關節耐寒暑可作膏藥多食令人乏氣





口閉者殺人一名巴椒一名麩葢生武都山名在四川山谷及巴郡今四川八月採實陰乾

### 陶弘景

出蜀郡北郡人家種之皮肉厚腹裏白氣味濃江陽晉康及建平間亦有而細亦辛而不香力勢不如

巴郡巴椒有毒不可服而此爲一名恐不爾又有秦椒黑色在中品中凡用椒皆火微熬之令汗出謂爲汗

椒令有勢力椒目冷別入藥用不得相雜

### 圖經本草

蜀椒生武都山谷及巴郡今歸映及蜀川陝洛間人家多作園圃種之高四五尺似茱萸而小有

針刺葉堅而實可煮飲食其辛香四月結子無花但生於葉間如小豆顆而圓皮紫赤色八月採實焙乾此

椒江淮及北土皆有之莖實都相類但不及蜀中者皮肉厚腹裏白氣味濃烈耳(下略)

華亭述言

### 產地

中國各地皆產以四川產者爲良

### 形態

芸香科蜀椒屬落葉灌木幹高五六尺至丈餘互生羽狀複葉每小葉卵圓形葉緣鋸齒葉基角生刺針

### 主治

初夏開黃綠小花秋日結實爲乾果生青熟赤其皮裂時則內子一枚出現色油黑而光大如蜀黍粒

入藥用實有毒臭香味辛有麻性主溫經通脈理逐風寒溼痺痛風關節疹水腫欬逆下氣開胃暖胃暖

子宮白帶下痢外用煮汁漱牙痛有效

【考證】

新本草綱目云「中國所稱山椒即花椒也」蓋花椒山椒即秦椒之又名也本經秦椒與蜀椒各立專條究此二藥係一物惟產地不同耳今日藥市所售之蜀椒多以秦椒充之此藥外皮較種子力大本經只稱蜀椒未以椒之皮目分也至雷斅云「凡使南椒去目」陶弘景云「椒目冷別人藥用不得相雜」唐蘇恭云「椒目主水腹脹滿利小便」予謂椒之皮目其性相同惟皮力大於種子數倍若分用之其分劑須當有別此藥內含揮發油並脂肪等

【修治】

採於秋日熟時帶種曬乾收藏用時搗碎雷斅云去目及閉口者炒出汗陶氏云熬之令汗出謂之汗椒令有勢力此言均不足信

【分劑】

帶椒目煎服半至三錢椒皮煎服三至一錢

連翹

本草經

連翹味苦平主寒熱鼠瘻癰癧腫惡瘡癰瘡結熱蠱毒一名異翹一名闌華一名折根一名軋一名



爾雅

連異翹注一名連若又名連草本草云

名醫別錄

無毒去白虫生泰山山谷八月採陰乾

唐本草

此物有兩種大翹小翹大翹葉狹長如水蘼花黃可愛生下濕地著子似椿實之未開者作房翹出衆

草其小翹生崗原之上葉花實皆似大翹而小細山南人並用之今京下惟用大翹子不用蕪花也

圖經本草

連翹生泰山山谷今近京及河中江寧府澤潤潘竟鼎岳利諸州南康軍皆有之有大翹小翹二

種生下濕地或崗上葉青黃而狹長如榆葉水蘼蠶莖赤色高三四尺許花黃可愛秋結實似蓮作房翹出衆草以此得名根黃如蒿根八月採房陰乾其小翹生崗原之上葉花實皆似大翹而細南方生者葉狹而小莖短纒高一二尺花亦黃實房黃黑內含黑子如粟粒一名旱蓮草南人用花葉中品靈腸亦名旱蓮人或以此常旱蓮非也（下畧）

救荒本草

連翹今密縣

關河南開封道

梁家衝山谷中有之科苗高三四尺莖桿赤色葉如榆葉大面光色青黃邊

微細鋸齒又似金銀花葉微尖脩開花黃色可愛結房狀似梔子葫微區而無稜瓣蒴中有子如雀舌樣極小其子折之則片片相比如翹以此得名（下畧）

植物名實圖考

連翹本經下品爾雅連異翹本經又有翹根有名未用李時珍以爲卽連翹根也湖南連翹生山坡獨莖方稜長葉對生極似劉寄奴稍端葉際開五瓣黃花大如盃長鬢迸露中有綠心如盃盧形一枝三花亦有一花者土人卽呼爲黃花劉寄奴以治損傷敗毒雲南連翹俗呼芒種花豬莖如樹葉短如柳葉而柔厚花與湘中無異按宋圖經大翹青葉狹長如榆葉水蘇蠶湖南生者河水蘇雲南生者如榆瀝黔紀遊所謂洱海連翹遍於籬落黃色可觀是也滇湖皆取根用之蓋此藥以蜀中如椿實者爲勝他處力薄故不能僱用其實耳

華亭述言

【產地】 中國各地皆產

【形態】 木犀科連翹屬落葉灌木高四五尺枝端成蔓狀葉對生卵圓形葉緣鋸齒或爲三出複葉早春由枝端先葉開黃花合瓣花頂端四裂總狀花序結實卵圓而尖長約四五分中徑約三分色黃褐熟則分裂二房內含種子形如彎刀色紅褐

【主治】 入藥用實與根有小毒味苦主寒熱消癰腫破瘀血惡瘡鼠瘻瘰癧癩瘡乳癰痔瘡

【考證】 靈樞經疝篇云「劉蒨草根各一升」蓋蒨草根爲連翹根也醫學大辭典云「蒨草卽連翹」一說

菱與連翹二物也。〔植物辭典云〕「菱即菱實也」本經與別錄用連翹未言何部宋圖經云「結實似蓮作房翹出衆草以此得名採房陰乾」由斯皆用其實觀靈樞治癰疽用蘼草根本草經主瘡科其用根明矣傷寒論中之麻黃連翹赤小豆湯綱目云「連翹亦作連苕即本經下品翹根是也」仲景全書亦注云連翹即連翹根也圖考云「滇湖皆取根用之」是知古人皆用其根唐蘇恭分大小連翹考小連翹乃一年生草其實微如連翹非同屬矣本草從新有名土連翹者係羊躑躅之子實名也非連翹之產於非地道而加以土字爲別耳連翹有破癥散結消腫排膿之功故本經與靈樞皆主瘡科至唐甄權主「除心家客熱」自此張元素主「瀉心經客熱」朱丹溪主「瀉心火」李時珍則尤取其形體以配厥府云「狀似人心乃少陰心經厥陰包絡氣分主藥也」備要與從新亦從其說至吳鞠通即以連翹攻破去癥散結之劑而轉醫溫病矣

【修治】

採根於春秋洗去泥土切厚片暴乾收藏採子於



成熟之期

【分劑】煎根服一至三錢子實一至五錢

### 牛膝

#### 本草經

牛膝味苦酸主寒濕痿痺四肢拘攣膝痛不可屈伸逐血氣傷熱火爛墮胎久服輕身耐老一名百倍

#### 名醫別錄

爲君平無毒療傷中少氣男子陰消老人失溺補中續絕壞骨髓除腦中痛及腰脊痛婦人月水

不通血結益精利陰氣止髮白生河內川谷及臨胸關山東二月八月十月採根陰乾

#### 陶弘景

今出近道蔡州今河南汝南縣者最長大柔潤其莖有節似牛膝故以爲名也乃云有雌雄者莖紫色而節大

爲勝爾

#### 圖經本草

牛膝生河內川谷及臨胸今江灌閩粵關中亦有之然不及懷州今河南沁陽縣者爲真春生苗莖高二

三尺青紫色有節如鶴膝又如牛膝狀以此名之葉尖圓如匙兩兩相對於節上花作穗秋結實甚細此有

二種莖紫節大者爲雄青細者爲雌二月八月十月採根陰乾極長大而柔潤者佳莖葉亦可單用（下畧）

本草衍義

牛膝今京西作畦種有長二尺者最佳與蓀蓉酒浸服益腎竹木刺入肉嚼爛罨之即出

華亭述言

【產地】 產於江蘇山東河南等處

【形態】 苧科牛膝屬多年生草本高二三尺莖稍方有節節間隆起如牛之膝故名葉對生卵圓形或橢圓而尖網脈全緣夏日莖端開小綠花花冠五瓣穗狀花序結實向下狀如針易附衣中其根長數寸至尺許人工

產者質肥而柔潤天產者根短質堅實而瘠

【主治】 入藥用根無毒無臭味先甘後苦微含酸性主通血絡利關節腰膝四肢拘攣遺溺莖中痛白帶經閉血

結惡瘡癰腫

【考證】 此藥天產者短瘠堅實長約七八寸人工產者肥大而潤長至二尺餘其功能遜於天產備要與從新及

醫學大辭典云「夢遺滑精血崩不止及氣虛下陷因而腿膝腫痛者大忌」別錄主「男子陰消老人失溺」非氣虛下陷症乎別錄主「補中滯絕益精填骨髓」非夢遺滑精血崩不止藥乎本經主「痿痺膝痛不可屈伸」非腿膝疼痛症乎汪吳又云「能引諸藥下行」蓋以桔梗爲舟以牛膝爲砥也考牛膝雖

能行下非專行下也別錄除腦中痛止髮白此非上  
治乎夫藥性有偏治局部者其力較他處爲大如馬  
錢子直達脊腦樟腦直接尿道等是矣但亦非專司  
於此而不及於他也

【修治】

採於春秋洗去泥土半寸解之暴乾存貯勿洩氣  
否則易生青黴綱目云「欲下行則生用滋補則焙  
用或酒拌蒸過用」後世多宗其法須知牛膝之補  
本其性之自然絕非因焙或酒蒸之力也

【分劑】

煎服一至三錢

虎掌

本草經

虎掌味苦溫主心痛寒熱結氣積聚伏梁傷筋痿拘緩利水道

名醫別錄

微寒有大毒除陰下濕風眩生漢中山谷及宛旬二月八月採陰乾





陶弘景

近道亦有形似半夏但皆大四邊有子如虎掌今用多破之或三四片爾方藥亦不甚用也

唐本草

此藥是由跋宿根其苗一莖莖頭一葉枝丫扶莖根大者如拳中者如鷄卵都似扁柿四畔有圓牙看

如虎掌故有此名其由跋是新根猶大於半夏二三倍但四畔無子牙爾陶云虎掌似半夏即由跋以由跋為半夏釋由跋苗全說齋尾南人至今猶用由跋為半夏也

圖經本草

虎掌生漢中山谷及宛甸今河北州郡亦有之初生根如豆大漸長大似半夏而扁累年者其根

圓及寸大者如雞卵周匝生圓牙二三枚或五六枚三四月生苗高尺餘獨莖上有葉如爪五六出分布尖而圓一窠生七八莖時出一莖作穗直上如鼠尾中生一葉如匙裏莖作房傍開一口上下尖中有花微青褐色結實如麻子大熟即白色自落布地一子生一窠九月苗殘取根（下畧）

植物名實圖考

天南星本經下品昔人皆以南星莖頭又名頭往往誤采不可不辨（中畧）滇南圃中莖頭

林立南星絕少藥肆所用皆由跋也由跋自是一種唐本草謂南星是由跋宿根所生驗之亦殊不然而南星與莖頭根雖類莖葉花實絕不相同半夏由跋花似南星而皆三葉由跋又有六七葉者俗皆呼小南星但南星生葉亦有兩種一種葉抱如環一種周圍生葉長如芍藥開花有如海芋者即圖經所云花似蛇榴子又似玉蜀黍形而稍微齊（下畧）

華亭述言

【產地】 中國各地皆產

【形態】

虎掌科天南星屬多年生草本莖高一二尺獨莖無極根出葉掌狀複葉每小葉長卵形網脈全緣每小葉之數不一由一至十二小葉葉柄長數寸至尺許夏日並葉基抽出花莖高數寸至尺許單性花肉穗花序花爲佛焰所包雄花上部長約二分色黃白如粉雌花下部長約數分至寸許結實大如小豆成熟自落雄花上部有延長之尾突出佛焰之外色黃白結實後卽漸枯萎初年子苗芽只生一莖上着一小葉幼時四畔未生肉芽者名由跋迨其肉芽已生卽名虎掌其肉芽亦隨年增加每肉芽皆生莖葉惟中部莖高葉大其根爲球莖鮮時大如鷄卵四邊有肉芽乾時扁圓狀如虎掌外黃內白乾爲澱粉

【主治】

入藥用根有大毒味辛麻戟刺咽喉性與天南星半夏同主中風口噤痰涎壅塞於喉間

【考證】

綱目以虎掌與天南星爲一物考天南星白宋開寶收入蘇頌云「古方多用虎掌不言天南星近出唐世」綱目云「虎掌因葉形似之非根也南星因根圓白形如老人星狀故名南星卽虎掌也蘇恭說甚明白宋開寶不當重出南星條今併入」考虎掌與天南星雖同類而少別緣天南星之花序上端橢圓而鈍無外出延長之尾故新本草綱目云「天南星有二種一種花房作淺青色末如鼠尾一種無鼠尾」蓋二

藥性味相同均爲急性之開痰劑故本書於天南星不另立專條外有菟藟之一種古人多爲天南星其葉與球莖皆與天南星有異（見後圖）易於分析新本草綱目云「北海道土人或竟羹食云」考菟藟以灰汁煮之再以水淘洗數次可食明王佐詩云「君看天南星處處入本草夫何生海南而能濟飢飽」此皆以菟藟爲天南星也

【修治】

採於春秋洗去泥土曬乾收藏用時搗碎

【分劑】

煎服二分至一錢



虎掌



由跋

天南星



蒟蒻

# 常山

又名恆山苗名蜀漆

## 本草經

常山味苦寒主傷寒寒熱發溫瘧鬼毒胸中痰結吐逆一名互草

## 名醫別錄

辛微寒有毒療鬼蠱往來水脹酒酒惡寒鼠瘻生益州川谷及漢中八月採根陰乾

## 陶弘景

常山出宜都建平細實黃者呼爲雞骨常山用之最勝

## 唐本草

常山葉似茗狹長莖圓兩葉相當二月生白花青葍五月結實青圓三子爲房生山谷間高者不過三

四尺

# 蜀漆

## 本草經

蜀漆味辛平主瘧及欬逆寒熱腹中癥堅痞結積聚邪氣蠱毒鬼瘻

## 名醫別錄

微溫有毒療胸中邪結氣吐出生江林山川谷及蜀漢中常山苗也五月採葉陰乾

## 陶弘景

蜀漆是常山苗而所出又異者江林山卽益州江陽山名故是同處彼人採仍榮結作丸得時操者佳

唐本草

此草日乾微萎則把束暴使燥色青白堪用若陰乾便黑爛壞矣陶云作丸此乃椽餅非蜀漆也

圖經本草

蜀漆生江林山川谷及蜀漢常山苗也常山生益州山谷及漢中蜀漆根也江林山卽益州江陽

山名是同處耳今京西淮浙湖南州郡亦有之葉似茗而狹長兩兩相當莖圓有節三月生紅花青萼五月結實青圓三子爲房苗高三四尺根似荊黃色而海州出者葉似楸葉八月有花黃白色子碧色似山楝子而小五月採葉八月採根陰乾此二味爲治瘧之最要（下畧）

華亭述言

【產地】

產於四川陝西等處

【形態】

芸香科常山屬落葉灌木高四五尺至丈餘葉互生橢圓形或倒卵形有短柄網脈全緣葉表光滑微有透明之點夏初開淡黃小花花冠四片雌雄異株雄花有長柄爲總狀花序雄蕊四枚雌花有短柄攢簇生於葉腋結實爲蒴果熟則分裂種子失散其根外皮黃褐內白中心白髓

【主治】

入藥用苗葉根苗葉名蜀漆力大味臭惡而辛有毒其根名常山力較苗葉爲遜無臭有毒味微含辛氣主瘧疾寒熱往來癢堅痞結過分劑令人嘔吐故於胸中痰結或水脹邪氣積聚有作吐劑之用

【考證】

常山蜀漆爲醫瘧之特劑本草備要云「專治諸瘧然悍暴能損真氣弱者慎用」本草從新云「性猛

施之養食者多效若肉食之人稍稍挾虛不可輕入  
 考瘡疾因癘原虫入血所致而常山蜀漆能殺此  
 虫苟爲瘡疾即可用之不必忌諱况虛者乃因癘原  
 虫滅血致病者血虧而虛此藥能殺虫卽所以治虛  
 何必忌之金匱有名瘡母者此乃日久失治以致脾  
 經或肝經盈血久則變硬故常山有破癥堅攻痞結  
 之力也東醫謂常山含秘魯培林與黃連同

【分劑】

蜀漆煎服半至錢半常山煎服一至三錢

甘遂

本草經

甘遂味苦寒主大腹疝癰腹滿面目浮腫留飲宿食破癥堅積聚利水穀道一名主田

名醫別錄

甘大寒有毒下五水散膀胱留熱皮中痞熱氣腫滿一名甘藜一名陵澤一名重澤生中山今河北定縣

川谷二月採根陰乾



陶弘景

中山在代郡第一本出太山江東比來用京口者大不相似赤皮者勝白皮者都下亦有名草甘遂殊惡蓋謂贗僞之草也

唐本草

所謂草甘遂者乃蚤休也療體全別真甘遂苗似澤漆草甘遂苗一莖莖端六七葉如蕓麻鬼白葉生食一升亦不能利大療癰疔蛇毒且真甘遂皆以皮赤肉白作連珠寶重者良亦無白皮者乃是蚤休俗名重臺也

圖經本草

甘遂生中山川谷今陝西江東亦有之或云京西出者最佳汁滄吳者爲次苗似澤漆莖短小面葉有汁根皮赤肉白作連珠又似和皮甘草二月採根節切之陰乾以實重者爲勝（下畧）

華亭述言

【產地】 產於直隸陝西等處

【形態】

甘遂科大戟屬多年生草本高約一二尺葉互生長橢圓如篋形全緣其葉初紅後綠至夏莖端簇生五葉由葉腋分生五枝每枝復生三葉由葉腋抽莖開小花狀如大戟惟花下之葉闊大其莖短小爲異莖葉斷之出白汁其根爲塊根長約半至二寸徑約三分外皮褐黑內白爲澱粉中心如線故能連生

【主治】

入藥用根有毒無臭味先甘後辛熱主身面浮腫留飲宿食破癥堅積聚疝瘕痞結腫脹大腹水鼓

【考證】

子曾於無病時嘗驗甘遂之功服末四分至半小時胃內覺熱一小時腸胃覺痛其力上下賁豚時而腸



鳴時而絞痛至二小時由漸加重至三小時半即通便一次至四小時復見瀉便繼則水瀉二次始止至夜  
 時猶腸鳴古人以甘遂爲大寒水瀉之藥考其瀉性與巴豆相同均爲急性之水瀉劑因其辛熱激刺腸腑  
 之蠕動並吸收腸內血管之水分以成水瀉非寒性也本經主「面目浮腫留飲宿食」金匱痰飲欬喘篇  
 云「病者脈伏其人欲自利反快雖利心下續堅滿此爲留飲欲去故也甘遂半夏陽主之」蓋留飲畜  
 於經絡組織之中非甘遂通而下之不易離去非留飲爲然即懸飲等亦可服之雷斅於甘遂泡製云「用  
 甘草湯煮葶藶自然汁二味攪浸三日其水如黑汁乃漚出」雷氏云浸水黑者實無其事徐之才云「甘遂  
 反甘草」而金匱甘遂半夏湯用之千金大豆湯  
 大五飲陷胸湯蜥蜴圓外台乾棗湯芫花九百病  
 方雞子湯何奴露宿丸皆甘遂甘草並用余曾與  
 甘草煎服驗之（參看甘草條）非特不反且古  
 人用甘草正所以緩和甘遂激腸之猛烈而後學  
 不遵金匱篤信徐氏之謬以致穿鑿附會習然成  
 風如宋王璵云「脚氣上攻結成腫核及一切腫



毒用甘遂末水調傅腫處卽濃煎甘草汁服其腫卽散二物相反而成應如此」金劉河間云「凡水腫服藥未全消者以甘遂末塗腹邊臍令滿內服甘草水其腫便去」至明李時珍云「仲景與甘草同用取其相反而立功也」此則以後人之訛誣前人之是至今婦孺無不知甘遂反甘草欺人之語千百年無發其覆者亦云奇矣

【修治】採於春秋洗去泥土晒乾收藏用時搗碎

【分劑】用原質散服一至三分煎服半至一錢

### 商陸

本草經 商陸味苦辛主水腫疔癰瘰癧除癰腫殺鬼精物一名葛根一名夜呼

爾雅 蓬莠馬尾注廣雅曰馬尾諸陸本草云別名藟今關西亦呼爲藟江東爲當陸

名醫別錄 酸平有毒療胸中邪氣水腫瘞瘰癧滿洪直疏五藏散水氣如人形者有神生成陽山谷

陶弘景 近道處處有方家不堪用惟療水腫切生根雜鯉魚養作湯服道家乃散用及煎釀皆能去尸虫見鬼

神其實亦入神藥花名葦花尤良

唐本草

此有赤白二種白者入藥用赤者見鬼神甚有毒但貼腫外用若服之傷人乃至痢血不已而死也

蜀本草圖經

葉大如牛舌而厚脆有赤花者根赤白花者根白今所在有之二月八月採根日乾

圖經本草

商陸俗名章柳根生成陽山谷今處處有之多生於人家園圃中春生苗高三四尺葉青如牛舌而長莖青赤至柔脆夏秋開紅紫花作菜根如菜蕪而長八月九月內採根暴乾（中畧）其花主人心悸塞多忘喜臥取花陰乾百日擠末日服方寸匕臥思念所欲事即於眠中自覺（下畧）

華亭述言

產地

中國南北皆產

形態

商陸科商陸屬多年生草本高三四尺葉大互生長卵形或橢圓形狀如烟葉而小而光滑夏日莖端開小花色有紅白總狀花序果實爲漿果色紫黑其根狀如菜蕪而長短粗細不等

主治

入藥用根有毒赤根較白根力大入口嚼嘗先酸而粘滑後則微覺麻辛主水腫利尿腹滿痿痺疔癩癰腫慢性腎藏炎

考證

本經云殺鬼精物陶氏云見鬼神蘇恭云赤者服之見鬼此係服辛毒分劑藥力入腦致靈性紊亂新本草綱目云「商陸內含費脫拉克託克辛製成乳劑與犬食之則發嘔吐經一二時後呼吸短促發癱瘓而

卒倒與齋食之亦然若注射皮下其中毒力較緩茲將大貓所發之諸症分別言之(一)刺激延髓中樞而全身搖蕩(二)刺激呼吸中樞而呼吸頻數(三)刺激血管運動神經中樞而血壓昇騰(四)刺激迷走神經中樞而心動減少其制作用是否起於血壓亢進或筋肉痙攣尙未明悉以商陸製成酒製越幾斯用於腳氣及慢性腎臟炎肋膜炎心囊水腫腹水等之水腫皆有卓效予曾服商陸末三分半少時覺有惹胃之痛至二小時後時而腸鳴由八至二十小時腹內時覺疼痛無他異也須知此藥之力有蓄積作用離去

其緩凡初服無效者須至二三日藥效始顯故新本草綱目云「曾有醫家以此劑投病者在四五日內其尿並不加多反見減少又四五日或半月後藥始顯其效力」故於利尿等症須不可頻服也蓋商陸消腫利尿因能刺激血管舒縮中樞令其血壓加增致小便利而水腫消矣



【分劑】

煎服半至錢半

# 大戟

本草經

大戟味苦寒主蠱毒十二水腹滿急痛積聚中風皮膚疹痛吐逆一名印鉅

爾雅

舊印鉅註今藥草大戟本草云

名醫別錄

甘大寒有小毒主頸腋癰腫頭痛發汗利大小腸生常山十二月採根陰乾

陶弘景

近道處處皆有至猥賤也

蜀本草圖經

苗似甘遂高大葉有白汁花黃根似細苦參皮黃黑肉黃白五月採苗二月八月採根用

圖經本草

大戟澤漆根也生常山今近道多有之春生紅芽漸長作叢高一尺已來葉似初生楊柳小團三

月四月開黃紫花團圓似杏花又似蕪荑根似細苦參皮黃黑肉黃白色秋冬採根陰乾（下畧）

本草綱目

大戟生平澤甚多直莖高二三尺中空折之有白漿葉長狹如柳葉而不團其梢葉密攢而上杭

州紫大戟爲上江南土大戟次之北方綿大戟色白其根皮柔韌如綿甚峻利能傷人弱者服之或至吐血不可不知

## 澤漆

又名貓兒眼草

本草經

澤漆味苦微寒主皮膚熱大腹水氣四肢面目浮腫丈夫陰氣不足

名醫別錄

辛無毒利大小腸明目輕身一名漆莖大戟苗也生太山川澤三月三日七月七日採莖葉陰乾

陶弘景

此是大戟苗生時摘葉有白汁故名澤漆亦能嚼人

救荒本草

澤漆大戟苗也今處處有之苗高二三尺科又生莖紫赤花葉似柳葉微細短闊黃紫花狀似杏

花而瓣頗長生時摘葉有白汁出今嘗葉味澀苦（下略）

本草綱目

別錄陶氏皆言澤漆是大戟苗中華子又言是大戟花其苗可食然大戟苗洩人不可爲菜今考

土宿本草及寶藏論諸書並云澤漆是貓兒眼睛草一名綠葉綠花草一名五鳳草江湖原澤平陸多有之  
春生苗一科分枝成叢柔莖如馬齒莧綠葉如苜蓿葉圓而黃綠頗似貓睛故名貓兒眼草莖頭凡五葉  
中分中抽小莖五枝每枝開細花青綠色復有小葉承之齊整如一故又名五鳳草綠葉綠花草梢莖有白  
汁粘人其根白色有硬骨或以此爲大戟苗者誤也（下畧）

華亭述言

【產地】 中國各地皆產以浙江產者爲良

【形態】

大戟科大戟屬多年生草本莖高數寸至尺許葉互生披針形或長橢圓形全緣並行脈狀如篋葉表色綠葉背色淡莖葉折之出白汁而粘夏日莖端輪生五葉由葉腋每抽一莖每莖上端輪生三葉開三小花色黃無花被綠如嫩葉至實落時其輪生葉皆呈紅紫色古人誤此為花故圖經本草與救荒本草云似杏花不知實落多日矣單性花雄雌俱無花被結實外殼如球面生微細之點內含種子三枚形橢圓色褐黑大如黍粒其根外皮黃黑內黃白杭州產者色褐

【主治】

入藥用根與葉有毒味苦微辛主四肢面目浮腫大腹水鼓皮膚溼熱頸腋癩癬

【考證】

本經大戟澤漆主治相同別錄陶氏蘇頌救荒皆云苗為澤漆根為大戟惟李時珍云澤漆係別一種實誤蓋澤漆又名貓兒眼草日華子云其苗可食亦誤植物辭典與新本草綱目亦云大戟澤漆為二物並云大戟葉緣鋸齒均誤考大戟澤漆實屬一物其根名大戟以浙江產者根紅紫俗名紅芽大戟產於北者外皮褐黑內白其苗生於春秋亦呈紅色莖葉折之出白汁待數小時白汁變為黃褐色敷於皮有刺



激力其性如漆故名澤漆其根折之無白汁其苗俗呼貓兒眼草按植物根苗爲二名者甚多大戟澤漆均有毒其性峻利予治瘰癧以根苗與芫花根製成貼膏貼之有效（方見芫花條）徐之才云甘草反大戟千金豬苓湯大五飲外台乾薑湯百病方何奴露宿丸皆甘草與大戟並用

【分劑】 煎服半至一錢半

## 瓜蒂

本草經

瓜蒂味苦寒主大水身面四肢浮腫下水殺蠱毒欬逆上氣及食諸果病在胸腹中皆吐下之

名醫別錄

有毒去鼻中息肉療黃疸「花」主心痛欬逆生薑高平澤七月七日採陰乾

陶弘景

瓜蒂多用早青蒂此云七月採便是甜瓜蒂也（下略）

圖經本草

瓜蒂即甜瓜蒂也生蒿高平澤今處處有之亦園圃所蒔舊說有青白二種入藥當用青瓜蒂七

月採陰乾

華亭述言

【產地】 中國各地皆產



【形態】

葫蘆科胡瓜屬一年生蔓草長三四尺葉互生心臟形掌狀淺裂葉柄長葉基旁生卷鬚夏日開黃花合

瓣花冠頂端五裂單性花雄雌同株果實爲瓠果種類甚多但多爲橢圓形長三四寸有黃綠白等色

【主治】

有毒味苦主嘔吐瀉下水消身面四肢浮腫欬逆上氣心痛黃疸積聚痰飲結胸氣鬱致狂

【考證】

按瓜蒂能吐又能利水故本經主「大水身面四肢浮腫下水」與金匱瓜蒂湯之主症相同云「太陽

中暈身熱疼重而脈微弱此以夏月傷冷水水行皮中所致也」徐彬以此症此方專爲吐劑惟尤在溼云

「瓜蒂苦寒能吐能下」李文彬云「瓜蒂治身面四肢浮腫散皮膚中水氣苦以泄之也」李氏數言甚

爲明析服此藥足分劑先則嘔吐及則洩腹藥微云「

宗奭時珍以爲甜瓜蒂試之無寸效也」傷寒今釋云

「疑吉益氏所試者是熟瓜之蒂故味不苦而無效耳

瓜蒂須生采而采蒂乘瓜蒔瓜人所不願故今之賣藥

者多不備」吉益氏云甜瓜蒂無效是否別具一種耶

按甜瓜蒂藥市皆售之本草所載皆甜瓜蒂余考此藥

於瓜熟蒂落時採取嘗之味苦服之有效藥市所售之

甜瓜



乾質每兩價約二三角瓜蒂一錢約三十六枚其價之廉因瓜熟蒂落故耳若生採則棄瓜取蒂以每兩乾質之數核之其價幾如參朮矣此藥內含愛拉鐵林與苦瓜（俗名癩瓜因其皮上排瘡如癩故名之）含素相同豬子氏云瓜蒂注意服之則只刺激腸胃而已并不起吸收作用故毫無危險惟服大量則發急性腸胃炎故須審慎

【分劑】 煎服半至錢半

### 射干

本草經

射干味苦平主欬逆上氣喉痺咽痛不得消息散結氣腹中邪逆食飲大熱一名烏扇一名烏蒲

名醫別錄

微溫有毒療老血在心脾間效唾言語氣臭散胸中熱氣久服令人虛一名烏菱一名烏吹一名

草葦生南陽川谷田野三月三日採根陰乾

陶弘景

此是烏菱根黃色庭臺多種之人言其葉是鳶尾而復有鳶頭此若相似爾恐非烏菱也又別有射干

相似而花白莖長似射人之執竿者故阮公詩云射干臨郿城此不入藥用

唐本草

鳶尾葉都似射干而花紫碧色不抽高莖根似高良薑而肉白名鳶頭

圖經本草

射干生南陽川谷田野今在處有之人家園砌間亦多種植春生苗高二三尺葉似燈臺而狹長

橫張竦如翅羽狀故一名烏翼謂其葉耳葉中抽莖似葶草而強硬六月開花黃紅色瓣上有細文秋結實作房子黑色根多鬚皮黃黑肉黃赤三月三日採根陰乾（下略）

### 植物名實圖考

按射干之名諸家紛紛而蘇頌爲最核李時珍謂今人所種多是紫花大約白花者未之見耳北地多紫者黃者其一種花小而夏開者京師呼爲馬蠅花葉根俱相類而白花者江西南湖有土醫用之名曰冷水丹其葉光潤而柔三月中即開花結子甚小今以所見俱圖之而從圖經以紫者爲蔞尾（下略）

### 華亭述言

#### 【產地】 中國各地皆產

#### 【形態】

蔞尾科射干屬多年生草本莖高二尺許單葉直立扁平排成二列葉基擁抱互生狀如展開槍扇每葉長約七八寸形如彎刀全緣並行脈夏秋間由葉中直上獨抽一莖高約二尺莖圓直如箭干徑約分許質堅而滑莖端分莖着數花花開申時花冠六片外三片爲萼所成雄蕊三枚至夜八句鐘則花冠漸閉天明已作右旋螺紋之狀色有紅黃藍白等色與濃色之紫斑果實爲蒴內含種子色黑其根爲條根每科叢生約一二十條每條不分岐惟條上生毛鬚老根褐黑新根黃白每條長約數寸至尺許徑約一二分

【主治】入藥用根有毒味畧辛苦主欬逆上氣喉痺咽痛言語氣臭喘息不甯散胸中邪熱結氣

【考證】古人多以鳶尾誤爲射干因花葉畧似不知其根大異也李時珍不知射干鳶尾爲二種於射干條云「

根葉又如蠻薑故曰草薑」於鳶尾條云「此卽射干之苗非別一種也」按射干花開於六七月間花大寸許每花開於申時至夜八句鐘卽閉葦高二尺細約分許質堅硬而光滑其根條細約分許如白薇根相似鳶尾花開於初夏大四五寸每花放於上午至二三日始枯萎莖高尺許粗二三分質柔軟其根爲根莖畧似薑徑約一二寸長約三至五六寸多因連生以致長短不等故時珍云如蠻薑（高良薑）唐蘇恭云「葉似射干而闊短不抽長莖花紫碧色根似高良薑皮黃肉白嚼之戟人咽喉與射干全別」蓋李氏未觀其形豈可強解以誤後學惟唐之蘇恭是真知二藥之生態也朱丹溪云「取射干三寸與生薑同煎食前服利三兩行甚效」射干根細分許長三寸者其分劑不過二三分云服利三兩行是欺人語也按本經爲尾主「破癥瘕積聚利水」是否以鳶尾根爲射干根也金匱有射干麻黃湯此藥有激刺枝氣管生涎並有通竅止欬逆之功也

【修治】採於春日洗去泥土半寸解之晒乾收藏

【分劑】煎服半至錢半

# 芫花

本草經

名醫別錄

芫花味辛溫主欬逆上氣喉鳴喘腫短氣蠱毒鬼療疔癰腫殺蟲魚一名去水

苦微溫有小毒消胸中痰水喜唾水腫五水在五藏皮膚及腰痛下寒毒肉毒久服令人虛一名



毒魚一名杜花其根名蜀桑根療疥瘡可用毒魚生淮源川谷三月三日採花陰乾

陶弘景

近道處處有用之微熬不可近眼

圖經本草

芫花生淮源川谷今在處有之宿根舊枝莖紫長一二尺根入土深三五寸白色似榆根春生苗

葉小而尖似楊柳枝葉二月開紫花頗似紫荆而作穗又似藤花而細三月三日採陰乾其花須未成蕊蒂細小未生葉時收之葉生花落即不堪用

華亭述言

產地

中國各地皆產

形態

瑞香科瑞香屬落葉亞灌木高一二尺葉對生橢圓形網脈全緣早春先葉開花筒狀花冠頂端四裂雄

蕊四枚花冠着生雌蕊一枚色粉紫亦有白花者狀如丁香花結實爲漿果至五月熟時色白如粉而光形橢圓長二分許內含一核色黑卵圓形而尖其根爲條根長約數尺外皮黃褐內白

主治

入藥用花有大毒味辛熱主欬逆上氣喘息喉鳴咽腫短氣消胸中痰飲水腫疔癰瘰癧疾癰瘡癩癧殺虫

其根亦可入藥惟毒力較花尤大

考證

其花與根鮮時嗅之頭疼其實與花鮮時嘗之先甘後辛以其花之乾質嚼至三分鐘其辛熱始顯能留

口中三小時之久其根別錄名獨桑根子鄉  
名茺條根熬膏治瘰癧未破帖之可消（方  
見後）此症俗名氣瘰中醫謂因氣鬱所致  
西醫爲瘰癧菌由咽喉行至淋巴腺所致蓋  
受染與否在局部抵抗力之強弱膠扁桃爲  
易染之區若該處生炎則淋巴腺卽易變結  
核性之腺炎矣故患者多受於頸部究癰形

如卵有連生數枚者破時有延至腋窩者俗稱癰串有於頸部蔓延癰腫而硬此狀若至羸瘦兼患咳嗽或  
瀉腹（俗名瘡勞）者有不待其破而損命者甚多子經患者多在二十歲以內療時忌驚與氣若成家尤  
以房事爲戒徐之才云甘草反茺花千金大五飲外台乾棗湯茺花丸五愈丸款冬花丸百病方向奴露宿  
丸均爲甘草與茺花並用

【修治】 採花於初開之際陰乾收藏

【分劑】 煎服二至五分



【芫花根瘰癧帖膏】

鮮芫花根十斤 鮮澤漆四斤  
俗名貓兒眼草 將二藥切碎入鍋熬爛過布淋入鍋熬至一半傾於

盆內待用

降香六兩千里奔三兩蓖麻子二兩兒茶二兩銅綠一兩生杏仁二兩麻油二斤

將麻油入鍋令熱再入以上六藥燻枯過布淋入鍋將前藥汁共合一鍋再入松香四兩熬至成膏爲度凡瘰癧未破者貼之即消破者亦可貼之

菘苕子

又名 天仙子

本草經

菘苕子味苦寒主齒痛出虫肉痺拘急使人健行見鬼多食令人狂走久服輕身走及奔馬強志益力

通神一名橫唐

名醫別錄

甘有毒療癩狂風癩顛倒拘攣一名行唐生海濱川谷及雍州五月採子

陶弘景

今處處有之形頗似五味核而極小惟入療癩狂方用此乃不可多食過劑耳久服自無嫌通神健行足爲大益而仙經不見用今方家多作狼唐



【圖經本草】

芫荽子生海濱川谷及雍州今處處有之苗莖高二三尺葉似地黃王不留行紅藍等而三指闊四月開花紫色苗莖莖有白毛五月結實有殼作罌子狀如小石榴房中子至細青白色如米粒一名天仙子五月採子陰乾

華亭述言

【產地】 中國各地皆產

【形態】 茄科芫荽屬多年生草本莖高尺餘葉互生長橢圓而尖初出葉色紫黑後呈淡綠色葉緣有淺鋸齒枝

稍並生大小二葉由葉腋抽一花莖開鐘狀花冠而下垂頂端五裂色淡紫雄蕊五枚花冠着生雌蕊一枚結實形如罌小如豆爲蓋果熟時作盒狀之綻裂內含種子約數十粒形扁扁微呈腎狀小如粟米之半色灰黃其根爲球莖稍有彎曲外色灰黃皺縮作結節狀內部色白

【主治】 入藥用子葉根有大毒根葉微含苦味主安撫神經癲狂拘攣痛風牙痛風癩瘦瘠

【考證】 本經芫荽用子東醫根葉子皆用此藥醫牙中神經系痛連及腦部有效若惟牙痛而不上沖於腦者少效余患牙痛初服五劑至一刻卽效後屢次作痛則分劑加至二分亦常無效此藥根莖之力大於種子三倍以小分劑服之卽本經云久服輕身益力足分劑卽本經主肉痺拘急別緣癲癩狂風癩若過分劑致靈

性紊亂而至癲狂山西通志云「其子味甜（係鮮時味甜）小兒誤食輒風俗亦不甚怪經一兩月藥性解則風已如平人云」蓋此藥平人服之而致癲若癲者服之反能愈其類諸藥醫症多有此性也苟醫人明其分劑并無傷生之虞中其毒者初則眩暈如醉咽喉乾燥瞳孔散大舌根塞滿言語不清終則狂亂奔走其性與睡茄及曼陀羅相似唐陳藏器云「服

勿令子破破則令人狂」此係臆度之言余服莨

菪子均爲末蓋狂者係過分劑耳金匱要畧後有

水莨菪非此種也余以此藥醫癲狂症多與溴化

鉀代赭石等藥同用若服之不愈須用吐劑若臍

燥者宜甘麥大棗湯

【分劑】

煎服三分至一錢

甘麥石

